

臺灣府誌目次

襄平蔣毓英集公氏纂

男國國
國祚校字



卷之一

沿革

分野

氣候

風信

封隅

卷之二

叙山

卷之三

叙川 附海道潮汐

卷之四

物產

卷之五

風俗 附土番

卷之六

歲時

規制

學校

廟宇 附養濟院

市廛 附渡橋

卷之七

戶口

田土

賦稅 附存留經費

祀典

卷之八

官制

十武衛

卷之九

人物 開拓勲臣 勝國遺裔 節烈女貞 勲封遇難

卷之十

古蹟

災祥

扼塞

險隘

目次終

臺灣府誌卷之一

沿革

臺灣古荒裔之地明宣德間太監王三保下西洋舟會過此以土番不可教化投藥於水中而去此亦得之故老之傳聞也嘉靖四十二年流寇林道乾橫行海洋專殺土番取膏血造船擾害濱海都督俞大猷征之道乾遁去占城今有其遺種天啟元年又有漢人顏思齊爲東洋日本甲螺引倭彝屯聚于臺鄭芝龍附之未幾紅彝荷蘭人由西洋而來願借倭彝之地暫爲栖止誘約一牛皮地即可倭彝許之紅彝將牛皮剪如繩縷周圍圈匝已

有十數丈地久假不歸日繁月熾無何而鵲巢鳩
居矣尋與倭約若舍此地每年願貢鹿皮三萬張
倭乃以地悉歸荷蘭崇禎八年荷蘭始築臺灣赤
嵌二城臺灣城卽今之安平鎮城也赤嵌城卽今
之紅毛樓名城而實非城也規制甚小在臺灣府
治西北荷蘭以夾板船爲犄角善用砲攻雖兵不
滿千而南北各土酋咸服聽命又設市於臺灣城
外泉漳之商賈始接踵而至焉庚寅甲螺郭懷一
彝人設立甲螺以管漢民甲螺者卽如漢人欲謀
所謂頭目之類也郭懷一被殺何斌充之逐紅彝紅彝覺之召土番擒懷一戮于赤嵌城商
民在臺者被土番殲滅不可勝數而商賈視爲畏

途矣延至辛丑僞延平王鄭成功芝龍之子也自
京口喪敗其勢日蹙孤軍廈門欲圖退步乃與甲
螺何斌謀進取臺地從來鹿耳門石關隱險屈曲
盤旋沙浮水淺舟師非諳于水道者不得易渡鄭
舟至鹿耳水忽漲十餘丈巨艦畢入非天之相此
逆旅也蓋將藉手以式廓

國

朝無外之疆域也乎荷蘭與成功戰不利遂退保

臺灣城歸一王歸一王紅彝之帥名以死拒之鄭師攻之不

克乃環山列營以困之荷蘭謀報本國遂整夾板
十餘艘與成功決戰成功因風縱火焚燒彝艦荷
蘭終無降意成功使人告之曰此地乃我先人故

物今所有珍寶金銀聽汝載回但留空城還我可
以罷兵荷蘭知勢不敵爰棄城歸成功就城居之
改臺灣爲安平鎮赤嵌爲承天府總名東都設二
府二縣府曰承天縣曰天興萬年未幾成功死子
經尚在廈門成功之弟世襲有竊踞之意鄭經攻
逐之世襲渡海歸誠經嗣立改東都爲東寧二縣
爲二州設安撫司三南北路澎湖各一於是興市
廛構廟宇新街橫街是其首建之處誘致豪傑招
納叛亡人民聚集漸成狡兔之窟矣辛酉經死子
克塽嗣幼冲在位政出權門人心已渙逆運將終
康熙二十二年八閩總制姚 偵知底蘊用間諜

陰賚劄付到臺離散其左右以傳爲霖爲內應垂
成而事泄爲霖遇害是年

皇上赫然震怒指授方畧特簡靖海將軍侯施 統
率舟師六月專征由銅山直抵八罩灣取虎井桶
盤與克之誓師戒嚴不許妄殺一人由是而百神
効靈海不揚波鹹水苦軍士而海岸忽湧甘泉衆
無渴患一戰而澎湖克復克塽心膽墮地識天命
之有歸遂納欵歸誠於是

廷議設府一曰臺灣縣三附郭曰臺灣外曰鳳山諸
羅

分野

古十二州之域所以紀地而十二次之躔所以紀天二十八宿周天分布角亢始于卯翼軫終于寅各有定位後人因地占星卽因星辨地遂有分野之說以十二次定十二州而以齊晉燕秦諸國實之揚州之域東南至海屬于牛女爲吳越之夆先賢之論詳矣八閩界在甌粵之間原非古揚州境而地盡東南遂附隸揚州其所躔斗女之次自班固以後范蔚宗張守節僧一行之徒家不一說至于臺灣遠隔大海番彝荒島不入職方分野之辨未有定指然晉天文志十二次始角亢以東方蒼龍爲之首也唐十二次始女虛以十二支子爲之

首也按考臺灣地勢極于南而迤于東計其道里當在女虛之交爲南紀之極亦當附于揚州之境以彰一統之盛焉

氣候

臺灣僻在東南隅地勢最下其去中州最遠故氣候與內地每不相同大約熱多于寒恒十之七故有四時皆是夏一雨便成秋之說秋無霜冬無雪獸炭貂裘無所用也故土番窮戶無衣褐亦可卒歲花卉則不時常開木葉則歷年未落瓜蒲蔬茹之類雖窮冬花秀此寒暑之氣候不同也春頻旱秋頻潦東南雲蒸則滂沱西北密雲鮮潤澤所以

雲行雨施必在南風盛發之時而田穀之登歲不能再熟此雨暘之氣候不同也四時之風雨颶居多七八月間因風擊浪檝爲摧檣爲傾其淘沙之聲遠聞數百里外曉東暮西風之所自與中土又大異矣此風颶之氣候不同也自府治至鳳山氣候與臺邑等鳳山以南至下淡水諸處早夜東風盛發及晡鬱熱入夜寒涼冷熱失宜又水土多瘴人民易染疾病自府治直抵諸羅之半線氣候亦與臺邑等半線以北山愈深土愈燥烟瘴愈厲人民鮮至鷄籠地方孤懸海口地高風冽冬春之際時有霜雪此南北之氣候不同也

風信

自剡木爲舟剡木爲楫舟楫之利以濟不通所由來舊矣但大海波濤瞬息之間變幻莫測颶風一至人舟俱覆利之所在亦卽害之所鄰也後世人巧日甚察天地之變占時日之候或稽節序而紀風雲或察草木而知陰陽其詳備至十九取驗然皆出于慣習風波漁子舟人之推測未有紀之篇章垂之典籍使人皆指掌知所趨避焉今臺地旣入版圖冠蓋皇華來往不一出於漁人舟子之所驗者能因其迹未必能窮其理若士人君子之所歷考索研究以神明其事必有深焉者矣故特附

于輿志之中仍俟博聞君子叅訂而攷辨之
清明以後地氣自南而北則以南風爲常風霜
降以後地氣自北而南則以北風爲常風若反
其常寒南風而暑北風則颶颶將作不可行船
南風壯而順北風烈而嚴南風多間北風罕斷
南風駕船非颶颶之時常患風不勝帆故商賈
以舟小爲速北風駕船雖非颶颶之時亦患帆
不勝風故商賈以舟大爲穩

風大而烈者爲颶又甚者爲颶颶常驟發颶則有
漸颶或瞬發倏止颶則常連日夜或數日而止
大約正二三四月發者爲颶五六月七八月發者

爲颶九月則北風初烈或至接連累月俗稱爲
九降風間或有颶則驟至如春颶船在洋中遇
颶猶可爲遇颶不受也

過洋以四月七月十月爲穩以四月少颶日七月
寒暑初交十月小陽春候天氣多晴順也最忌
六月九月以六月多颶日九月多九降也

十月以後北風常作然颶颶無定期舟人視風隙
以來往五六七八月應屬南風颶將發則北風
先至轉而東南又轉而南又轉而西南始止

颶颶俱多帶雨九降則無雨而風
五六七月間多風時風雨俱至卽俗所謂風時雨

西北雨也船人視天邊點黑如簌箕大則收帆
巖舵以待之瞬息之須風驟雨至隨刻卽止若
預待少遲則收帆不及而或至覆焉

天邊有斷虹亦將颭至只現一片如船帆者曰破
帆稍及半天如鬣尾者曰屈鬣卽東坡颭風賦
所稱斷虹飲海者是也破帆甚于屈鬣出于北
方又甚于他方也海水驟變水面多穢如米糠
及有海蛇浮游于水面亦颭將至

昏夜星辰閃動亦大風將作

十二月二十一日起一日有風應明年正月有大
風二日應二月三月以至九月俱按日相應或

一日之間風作二次則來年所應之月颭風亦
二次焉多次則亦皆如之記而驗之無不應者
土番識颭草此草生無節則週年俱無颭一節則
颭一次二節二次多節多次無不驗者今人亦
多識此草

凡濱山等灣泊船之處南風則以南負山而南面
海者爲灣北風則以北負山而南面海者爲灣
南風則等南風灣北風則等北風灣此其常也
獨五六七月應屬南風而遇北風之時不可泊
北風灣蓋以北風轉南之時呼吸變更颭雨巖
厲以北風灣而受南山駕避不及隨刻粉碎矣

一年之月各有颶日驗之多應舟人以為戒避不

敢行船

正月初四日舟人名為初九日名為玉皇颶

此日或無颶則各十三日
此日有颶皆驗

二十九日名為鳥

二月初二日名為白

三月初三日名為元帝颶十五日名為真人颶

二十三日名為媽祖颶
媽祖颶多雨

三月共三十六颶此其大者

四月初八日名為佛子颶

五月初五日名為佛子颶十三日亦名關爺颶

六月十二日名為彭祖颶十八日名為彭祖婆颶

二十四日名為洗吹籠颶
自十二日起

七月十五日名為鬼颶

八月初一日名為灶君颶初五日係大

十五日名為魁星颶

九月十六日名為張良颶十九日名為觀音颶

十月初十日名為水仙王颶二十六日名為翁爹颶

十一月二十七日名為普菴颶

十二月二十四日名為神颶二十五日名為天神

二十九日名為終俱係大風旬名為送年風

封隅

臺灣府治在福建布政司之南東至咬狗溪大脚山五十里西至澎湖大洋水程四更除水程外廣五十里南至沙馬磯頭五百三十里北至鷄籠城二千三百一十五里延袤二千八百四十五里自府治至

京

師除海洋水程十一更外陸程七千四百一十里

臺灣縣治附郭除澎湖三十六嶼外東至咬狗溪大脚山五十里西至澎湖大洋水程四更除水程外東西廣五十里南至鳳山縣安平鎮交界十里北至新港溪與諸羅縣交界四十里南北延袤四

十里

鳳山縣治在臺灣府南一百二十五里東至淡水溪二十五里西至打狗仔港二十五里東西廣五十里南至沙馬磯頭三百七十里北至臺灣縣文賢里二層行溪一百二十五里南北延袤四百九十五里
諸羅縣治在臺灣府北一百五十里東至大居佛二十一里西至大海三十里東西廣五十一里南至新港溪與臺灣縣交界一百四十里北至鷄籠城二千一百七十五里南北延袤二千三百一十五里

坊里

坊里在社鎮

各名號皆偽時所遺今因之以從俗也

臺灣府統轄坊四里二十六庄二社四十六鎮一

外澎湖嶼三十六

臺灣縣轄坊四里一十五

坊

東安坊

西定坊

寧南坊

鎮北坊

里

武定里

離府治一十里

永康里

離府治一十五里

廣儲東

離府治二十五里

廣儲西

離府治一十里

長興里

離府治二十里

新豐里

離府治四十里

歸仁南 離府治二

歸仁北 離府治二

永豐里 離府治二

保大東 離府治二

保大西 離府治一

仁德里 離府治一

仁和里 離府治一

文賢里 離府治三

崇德里 離府治二

另澎湖三十六巽詳在叙山誌

鳳山縣轄里七庄二社十二鎮一

里

依仁里 離府治一

永寧里 離府治四

新昌里 離府治二

長治里 離府治一

嘉祥里 離府治四

維新里 離府治三

仁壽里 離府治五

庄

觀音庄 離府治五

鳳山庄 離府治八

社

下淡水社 離府治一百

力力社 離府治一百

茄藤社 離府治一百

放索社 離府治一百

上淡水社 離府治一百

阿猴社 離府治一百

搭樓社 離府治一百

大澤機社 離府治一百

郎嬌社 離府治二百

琉球社 離府治五百

南覓社 離府治四

加六堂社 離府治二百

鎮

安平鎮 離府治一里

諸羅縣轄里四社三十四

里

善化里 離府治二里

新化里 離府治一里

安定里 離府治三里

開化里 離府治五里

社

蕭壠社 離府治三十里

麻荳社 離府治四里

新港社 離府治一里

大武壠社 離府治四十里

目加溜灣社 離府治六十里

倒咯噶社 離府治六十里

打猫社 離府治一百一十五里

諸羅山社 離府治一百一十里

阿里山社 離府治一百一十里

奇冷岸社 離府治一百六十里

大居佛社 離府治一百二十里

他裡霧社 離府治一百六十里

猴悶社 離府治一百一十七里

沙轆牛罵社 離府治五百里

柴裡斗六社 離府治一百八十里

東螺社 離府治一百四十里

西螺社 離府治一百一十里

南北投社 離府治一百七十里

蔴務掠社 離府治一百五里

崩山社 離府治一百七十里

大傑嶺社 離府治一百一十里

新港仔社 離府治一百六十里

竹塹社 離府治一百四里

南嵌社 離府治一百二十里

鷄籠社 離府治一百一十里

上淡水社 離府治一百二十里

蔴芝干社 離府治一百五里

南社 離府治一百四十里

二林社 離府治一百一十里

馬之遴社 離府治一百四十里

大突社 離府治一百一十里

亞東社 離府治一百七十里

臺灣府志

卷之二

半線大肚社

離府治四
百四十里

大武郡牛社

離府治三
百四十里

卷之一終

臺灣府誌卷之二

叙山

臺灣之山巍然而截臬者不可勝計因鴻濛初啟
多無名號今舉其可紀者紀之誠未得十之一也
其形勢則自福省之五虎門蜿蜒渡海東至大洋
中起二山曰關同曰白畝者是臺灣諸山腦龍處
也隱伏波濤穿海渡洋至臺之鷄籠山始結一腦
扶輿磅礴或山谷或平地繚繞百餘里直抵東北
而諸山頓起聳出雲霄矣巖崿之勢不可紀極四
時朝暮雲霧昏罩山常朦而不見必天清氣朗始
觀衆山之形然遠望之峯嵐重叠近者青遠者碧

碧之外更有尤碧者時乎雲谷日池之鄉如是者
起伏二千餘里到郎嬌沙馬磯頭而山始盡深山
之中人跡罕至其間人形獸面鳥喙鳥嘴鹿豕猴
獐涵淹卵育魑魅魍魎山妖水怪亦時出沒焉相
傳有金山每啟人以涎羨之情然在層巒疊嶂之
內山外係化外野番巢穴番獍路險人踪罕到亦
不知山在何處與山之高大幾何也至如仙人之
山云有絳衣黑衣仙子時常下遊石蹬碁盤儼然
在焉則別一洞天世界也

臺山分界

臺之山大約背東溟面西海或又云南北相逶形

如畚箕山勢面東而背西未知孰是而郡邑居其
中自木崗山在府治東北約百三十餘里巍峩特

時方見山形遠望其峯上與天齊南至大崗山在

臺灣之山惟此山最高而且大

治東南此山離府三十餘里山上有大石聳秀形

如冠帽中有大湖石洞俗傳明太監王三保會至

其上以土民不受教化投其藥於水而去故今土

番凡有疾病瘡瘍者用水淨輒愈見古蹟志又傳

此山今尚有三板甕及三保所種之薑絕頂又有

旋構索蠓蛤殼豈古時海潮至此乎其山常鳴鳴

則非吉層巒聳翠上出重霄為臺灣郡界而臺灣
縣治附之大崗山北為自大崗山南至沙馬磯頭
山在鳳山治西南離府治五百三十餘里其山西
仙盡大海高峻之極山頂常戴雲霧俗傳此山有
在見古蹟志凡呂宋往來洋船皆以此山為指南
西南之山包裹絡繹環抱鞏固則為鳳山縣治
至此極焉

山南為鳳山縣界自木崗山北至鷄籠鼻頭山在諸羅縣如鷄籠因以為名原紅毛時築有一小城郭志城東設鏡臺一座臺灣之山自此山發源皆以此山往來洋船諸峯競秀綿亘千里則又諸羅之縣治也木崗山南為臺灣縣界蓋鳳山諸羅雖分縣界而遠峯近岫莫不明拱暗朝于郡治焉

臺灣縣山

臺灣縣治東北百餘里山之最高而大者曰木崗

山在大目降營之東北境山之南為臺灣縣南過

大目降營又南歷保大里西保大里東至新豐永

豐二里又南底崇德里皆山也大目降營保大里

德皆臺灣所轄里名自大目降營盤至崇德里相

雲霧非天清氣朗之時不見山形故山雖高大從來無有名號今約畧志之龍窠之勢

蠹列無隙是為府治屏幃由是而西轉為鳳山之

大崗山小崗山此二山脫落平洋大崗山在北形

又西而半崩山在小崗山西南其山面頗平遙望

形如半屏一名曰半屏山堪輿凹底山在北崩山

家傳有墳屋向此山者主凶敗凹底山在西北其山

麓泥土低陷霖雨之時溱爛打狗山在凹底山南

甚於他處陷之者若無底然打狗山其山踞海岸

上有大潭石洞為安透迤而北為七崑身自打狗

而亘西北共結七峯有蛛絲馬跡之象其山並無

硬石俱皆沙土生成然任風濤飄蕩不能崩陷上

多生荆棘雜木望之有蒼翠之色外係西南大海

內係臺灣內港周圍里許宛在水中央採捕之人

之居六崑身自七崑身脫五崑身自六崑身脫四崑身自五崑身脫三崑身自四崑身脫二崑身自三崑身脫

崑身自三崑身脫下一崑身自七崑身至此相踞

珠遞下不踈不密每山麓各有民居雖在海洋之中而泉之甘冽較勝於臺灣府衙安平鎮城即構

時居民千餘家皆鳳山縣所轄山也而實為郡治

外扈北自木崗山脫遞眾山而下曰馬鞍山自木

西通至此眾山重疊不可勝記至馬鞍山乃其盡

處此山在木崗山西北狀如馬鞍故名壬戌癸亥

年間被溪水漲裂巍然西轉者曰大武籠山

中有崩壞一坑在馬鞍山西北大武籠山西其山

西北尤曰赤山無石土赤如黃金色故名上有觀

音亭下有龍潭見皆諸羅縣所轄山也然亦郡治

廟字志周圍皆田之東北拱輔焉西至海有曰海翁堀線在府治西

浮有沙線一條線南有一港港口內一大澳甚深

名為海翁堀凡過洋之船皆泊此候潮或避颶

曰鹿耳門在臺灣港口形如鹿耳鎮鎮水口其港

又甚隘下有懸石行船者皆以浮木植

標誌之見曰北線尾在鹿耳門南與鹿耳門接壤

不及里許中一港名大港紅毛南與安平鎮七崑

時甚深夾板船從此出入今淺

身會是又府治水口羅星也

鳳山縣山

鳳山之山自臺灣縣治崇德里東南諸峯蜿蜒而

來崗巒重疊勢皆南向臺灣縣界至崇德里其東

至呵猴林以北諸峯呵猴林在觀音山南北山溪

奸橋方得至焉凡盜賊若拱若峙若盤若踞是為觀

音山在呵猴林之西北小崗山之東南其山生

為七星山此山脫落七頂至第七峯山頂更高為

大滾水山此山甚高將雨之候山頂上能滾水海

臺卷之二

為小滾水山 此山去大滾水山十里餘地勢與大

至溪亦濁故山下為尖山此山一片峻 隱伏二十

餘里經南赤山 在赤山西南有十數小山或高三四丈

鳳彈諸山 者或高七八丈者不等俱土山圓靜在

鳳山之後形如卵 然俗呼為鳳卵 至盡處巍然高大者為鳳山 鳳

彈山西踞其巔視之其形如鳳傍有兩山如趨又

有一崙戴礮石如鳳冠另有一崙向海至坑仔口

如鼻後有疊隅形 議建縣治焉治東北為大崗山

如卵故名鳳山 勢見臺灣山志 轉而西為凹底山 在仁壽里其山形北

與鳳山並峙者為打狗山 在觀音山莊其山形勢

又轉而北為七崑身 在安平鎮屬其山形勢 皆鳳山

北條之衛也治之東其山之最聳者曰傀儡山 在

治東其土番性最頑悍 曰卑南覓山 在傀儡山東

偽時屢征之終不順服 東嶼外又有一絕 轉而南復折而西南疊巒複岫

大高山名尚崗山 莫非山也 有麻律律山呂佳崗山霄馬干山知本

山千仔崙山兆猫離山霄猫離山加流蛋山龍鸞

哥山加覽彌山曲文麥山大板六山大烏萬山盡

十山援人人圍山把仔 更轉而西出於海為郎嬌

益山老佛山蜈蟻嶺 為沙馬磯頭山 在郎嬌

山府治五百三十餘里 其山西臨於海上頂常掛雲人視之若有人形往

來雲中疑為仙人降游其上見古蹟志離府治五

百三 而山始盡皆鳳山南溟之衛也西南洋海中 突出一峯林木蒼鬱則小琉球山也 此山在鳳山

中週圍約有三十餘里崎嶇險峻並無拋泊舟隻處上多出椰子竹木並無人居鳳山水口藉是山而益縝密

諸羅縣山

諸羅之山自木崗山折而西向峯巒不可紀極其

峙於東北者曰番米基山在木崗山之西北縣治之東北阿里山社東界

至此山止自此山曰大龜佛山在阿里山社東南曰阿里

山在諸羅山東北其山曰肚武骨山在諸羅山東

北界至此山止入掌溪牛曰打利山在鹿子埔山

曰鹿子埔山在打利山西曰覆鼎山在打貓社大

鼎故名覆此拱輔邑右者也其聳於東南者曰馬鞍

山形勢見臺灣縣志曰新港自此山透入曰大武籠山在

武籠社形勢見臺灣縣志曰嶺溪西而赤山在開化
下有溪二條曰漚灣溪曰嶺溪
見臺灣又西北而小龜佛山在覆鼎山西南其形
縣山志又西北而小龜佛山如龜故名下有古樹
高數丈餘俗傳有神附焉鄉民近此居者皆拱輔
多疾病天折故農家皆徙三里之外為舍

邑左者也至若文峯直插上與天齊則有山朝山

在鷄籠鼻頭山東南有土番山有買猪末山在

南其峯尖秀如文筆山形南即路囉滿有黑沙晃

山在買猪末山南秀拔峭麗與買猪是又東北之

秀出而遠擁者也磅礴下則有斗六門諸山斗六

甚多北山在半線社界南山在大武郡社界北

尾溪東螺溪大武郡溪皆從斗六門山透出
而貓霧山在斗六門東北小龜崙山
在貓霧山北龜崙社界南曰山在崩山社界小龜

此山出灘流入淡水港

山北合歡山在南日山又北而鷄籠鼻頭

山見臺灣山分界志內奇獨龜崙山在鷄籠鼻頭

東山後有磺千豆門山千豆門山有淡

夾港如門八里分山淡東八里分山在淡

山互查內山查內社一名霄里社山下有小社一名

行塹眩眩山在查內山西有小以及小鳳山

西其山盡海北至南莫非邑之朔方外障也自鷄

籠鼻龜崙之外為大海海有小嶼曰鷄籠嶼在海

與鷄籠鼻頭山曰桶盤嶼在鷄籠嶼西其嶼平

相對而在其西曰桶盤嶼在鷄籠嶼西其嶼平

旗干石形如旗干夾石因以為名曰石門嶼在旗

西一石中空如曰鷄心嶼在石門西狀如則又臺

灣之腦龍隱見處焉

卷之二終

臺灣府誌卷之三

叙川

海道

茫茫大海何處問其道塗然往來有遠近有平險不可不知也臺灣爲閩浙外障其山皆向內地所謂障百川而廻狂瀾者也北路之后壠港與興化港口南日對峙后壠而上一百二十里乃竹塹社與海壇鎮對峙竹塹而上一百五十里乃南嵌社與福州閩安鎮港口關潼對峙自南嵌至上淡水七十里與北溝相照淡水至鷄籠三百里與沙埕烽火門相照是以府縣有北路添兵以通北方海

道之詳議也今之往來船隻必認澎湖爲關津從西嶼頭入或寄泊峙內或媽宮灣然後渡甘吉洋凡四更船至臺灣則澎湖三十六嶼又臺灣之門戶也其行船長年皆以北極星爲準黑夜無星可認則以指南車認定南北是皆以天文測海道若子午稍錯南犯呂宋洋遇逆風則暹羅交趾不知所之北則出溜無復人境甚而至於無力水皆道之險者也惟從澎湖來往爲正路臺灣本地南北海道自鹿耳門北至鷄籠淡水十九更船自鹿耳門南至沙馬磯頭十一更船呂宋在臺灣南七十更船

潮汐

潮汐之說古人之論詳矣謂晦朔前後月行差疾故潮長大望亦如之月弦之際月行差遲故潮之去來合沓不盡卽今海濱人以初一十五潮至日中滿初八二十三潮在蚤暮初初十二二十五日暮則潮平之說也又謂月臨卯酉則水漲乎東西月臨子午則潮平乎南北卽今海濱人以月初上而潮生月中天而潮平月落而汐復長之說也大約水屬陰氣月爲太陰之母同類相應理所必然故候潮之法又以太陰每日所纏天盤子午卯酉之位而定其消長月臨于午則爲長之極歷未及申

酉則消消極復長以至于子又爲長之極自是至
卯而消復至于午而極盛然月順天右行積三十
日始一周天每日臨子午卯酉四時位有先後故
潮因之亦有晝夜蚤暮之不同焉第至遠海之處
潮候又有遠近之期蓋方之不同而氣有獨盛海
之極遠其得氣又專故潮亦因之要之東與西對
東海月臨酉而潮平言酉則卯如之南與北對南
海月加午而潮平言午則子如之總亦水月相應
之定理也至于晝潮大于春夏夜潮大于秋冬潮
極漲常在春秋之中濤極大常在朔望之後又天
地之常數通之四海而皆然此古人推詳之論至

備而不可易矣然亦止于九州封域之內若夫南
望北斗與蒸一羊脾熟而天復明之外及今紅彝
所言彼地有夏秋槩晝春冬永夜之處又洋船爲
颶風所飄嘗至萬水歸東之會水皆東流而強急
無復潮汐南北流愈甚則水泥而沸非東風大作
不可挽回若此之處理之所窮又非人之所可測
矣故方輿勝覽有欽廉瓊海之潮大小隨長短星
不繫月之盛衰之說此雖未可盡信亦未可槩以
爲非四域之外耳目所不經見之事荒唐儘有姑
存之緒論以備參訂臺灣地屬東海地旣東而月
常蚤上十七八之夜月臨卯辰僅在初昏故潮水

長退視同厦亦較蚤焉同厦之間初一十六潮滿
子午而盡竭于卯酉初八二十三潮滿卯酉而盡
竭于子午臺灣則初一十六潮滿巳亥而盡竭于
寅申初八二十三潮滿寅申而盡竭于巳亥然南
北亦有不同處從半線以下潮流過北汐流過南
與澎湖同半線以上則潮流過南汐流過北矣浮
海者惟狎知潮候據其上流方無虞也夫潮也湧
從何來汝也歸于何處或吞或吐或消或長固知
海水爲活水也

臺水分界

臺郡四面巨浸臺鳳諸三邑衆水攸歸郡治在木

崗山之陽夾以兩溪北爲新港與諸羅界南納鳳
山之崗山溪西入于臺灣內港與鳳山界而臺灣
縣治在中焉茲將三縣水道謹誌于左

臺灣縣水道

臺灣縣之爲水凡六

一曰新港通木崗山溪溪從諸羅之馬鞍山南出
大目降營盤之北又西過廣儲西里又西過大
目降草地至武定里從洲仔尾滙新港西入於

海北臺諸
界水也

一曰大目降中溪從馬鞍山之南過大目降營盤
西過廣儲西里大目降草地至武定里北而與

新港會從洲仔尾西入於海

一曰大目降南溪從木崗山之西南出西過大目降營盤逶迤數里過廣儲東里之北又西北過廣儲西里大目降草地與中溪合至武定里復同新港西入於海

一曰狗咬溪從香洋仔出永豐里北過新豐里又北過保大東里保大西里又西北過廣儲東至滙於鯽仔潭合流至永康里之北西入大目降中溪至武定里同爲新港入於海

一曰大橋港小橋港合流東過武定里之南分爲二又東過永康里北爲小橋港南爲大橋港

安平鎮港潮汐從鹿耳門北至洲仔尾受新港溪流南至瀨口受鳳山之崗山溪流港內寬衍可舶千艘

鳳山縣水道

鳳山之爲水凡十

一曰崗山溪出自崗山北西流過嘉祥里依仁里爲二贊行溪又西過長治里爲竹扈塢西至永寧里流入於海

此臺鳳界水也

一曰濁水溪出小崗山之南山南有大滾水山出水常濁故溪之流皆濁因以爲名西北過嘉祥里長治里維新里南受鯽仔潭流西滙微羅港

入於海

一曰萬丹港在微羅港之南湖至仁壽里受崩山之小水凡四歸於海

一曰打狗仔港在觀音山庄打狗山下其港口有巨石裂成一門門甚窄僅容一艦中有港可泊船赤山庄之小流皆滙於是

一曰阿猴溪從阿猴林內山西出阿猴林又西南過羅漢文社之北而與大澤機之北溪會經搭樓社阿猴社爲巴六溪浩瀚縈迴十餘里至淡水爲淡水溪又爲漚灣溪復折而南滙於東港入於海

一曰大澤機北溪從大澤機丙山北出羅漢文社之南西流至搭樓社東轉而西北與阿猴溪合西爲淡水溪滙於東港入於海

一曰大澤機西溪從大澤機之西南山而出北過搭樓社之東與北溪合轉爲西北流入阿猴溪西爲淡水溪滙於東港入於海

一曰中港潮過赤山仔之北轉而東過上淡水之南受上下淡水赤山雜流歸諸海

一曰力力溪從力力社東南內山西北過力力社又西過淡水巡司之北同爲中港西入於海諸羅縣水道

諸羅縣地廣山衆其爲水最多支分流折凡一十有九

一曰木崗山溪從木崗山之西過馬鞍山又西過新港東新化里至新港西爲新港入於海

一曰歐汪溪一從大武籠山之東南內山而出一從大武籠山西出至新港社東合流茄友仔爲茄友溪經開化里赤山之南又西過善化里安定里入於海

一曰蚊港從南北崑身外海潮過佳里興之北分南北二流東過麻豆社之北復分爲二受開化里之赤山雜流港有橋曰鐵線橋

一曰咽溪從大武籠山北西出大武籠社過舊咽之北又西過開化里之北稍轉西北而與急水溪會入於海

一曰急水溪從大武籠山北西過大排竹之南又過下茄冬經倒咯咽之北西迤而與咽溪會同入於海

一曰八掌溪自鹿子埔山東南出西過上茄冬之北諸羅山之南又西過小龜佛山逶邐數里滙於猴樹港入於海

一曰牛稠溪自鹿子埔山西發源西過覆鼎山南又西過諸羅山之北打猫社之南至南世竹西

入龜子港同猴樹港而入於海

一曰山疊溪源流有三南從鹿子埔之北流過西北與中流會中從斗六門山之南流過西南與南流合逐西過覆鼎山北又北折過打猫社至石龜之南復與北流會同爲山疊溪至笨港入於海其北流則又從斗六門山西出者也經柴裡社猴悶社他里霧社而與南流中流合一曰吼尾溪自斗六門西過柴裡社南折至猴悶社之北又折過他里霧北受麻芝干社細流至南社而西入於海

一曰東螺溪自斗六門與吼尾溪同流西至東螺

之眷里社分支北流西過西螺社又西過蔴芝干社爲北社溪西入於海

一曰大武郡溪自斗六門與吼尾東螺二溪合流西過大武郡經柴裡社之西支分北流過東螺社大突社從二林社之北同三林港入於海

一曰大肚溪從拔揀社之東南內山北過拔揀社西爲投州溪又北過柴磴仔社至水里社之南折而西經大肚社爲大肚溪南受半線阿東二社細流而西歸於海

一曰大甲溪出猶霧龜崙二山之間西過牛罵社轉而西南至大甲社又西南至於崩山之房裡

茅千宛里吞韶四小社西入於海

一曰后籠溪出后籠社西過新港仔之南入於海

一曰中港潮至中港社分派從社南東過合歡山

受南日山武勞灣二流西歸於海

一曰竹塹港潮過竹塹社受眩眩山一水又東過

查內社受查內山一水西歸於海

一曰南嵌港潮過小鳳山之北南受眩眩山一流

又東北至南坎社南受查內山一流東受干豆

門一流而西歸於海

一曰淡水港從西北大潮過淡水城入干豆門轉

而東南受合歡山灘流又東過外八投南受里

末社一水又東過麻里則孝社東南受龜崙山

灘東北受鷄籠頭山灘從西北會歸於海

一曰鷄籠港其港三面皆山獨北面瀚海然西北

有籠頭線東北有鷄籠鼻山港口又有鷄籠嶼

桶盤嶼週圍甚密內可泊巨艘

澎湖三十六嶼

南嶼 橫里餘直二里亦名大嶼僞時民居稠密

今俱移在八罩嶼

花嶼 橫直里許

鐘子嶼 山石直聳形如覆鐘故名

東吉嶼 週圍餘里

西吉嶼 橫直不上里許以上四嶼並無居民
八罩嶼 週圍二里餘頗有居民冬天可泊船今
澎湖水師撥兵防守

目嶼 山形如人眼然故名

將軍嶼 上有將軍廟一座故名有港灣可以泊
船週圍里餘

虎穴嶼 形如猛虎中裂一港故名南風起澎民
張網於此及冬而歸

大貓嶼 惟石隱約如貓故名

小貓嶼 由大貓嶼脫落山形與大貓嶼如一而
小故土人呼爲大貓小貓

鳥嶼 澎有北鳥嶼有南鳥嶼北鳥嶼澎民徃之
以時張網捕魚南鳥嶼則無民居廣輿所載必
北鳥嶼無疑

桶盤嶼 嶼上一石大三丈餘周圍皆圓如桶盤
故名

四角嶼 僞時設砲臺於此

西嶼頭嶼 中有二居民此嶼卽內塹外塹背
山凡船隻自內地來者登桅而望見東南水面
上有一黑痕如竹竿卽是此嶼故渡澎舟子皆
以西嶼頭爲準

大山嶼澎湖諸嶼獨此最大橫直各有十餘里民

居頗多由此而下有五地曰風櫃仔尾曰峙裡
曰猪母落水曰烏嵌仔曰林投仔而媽宮前郎
在此嶼水師鎮防汛在此見武衛志

牛心礁嶼 嶼下有礁如牛心形故名

香爐嶼 嶼有三層形如香爐故俗為香爐嶼

芝舂嶼 周圍不下里許並無居民

凌波嶼 荆棘填塞四面巉巖澎民罕至

椀構嶼 嶼出紫菜澎民常往採焉

鷄膳嶼 嶼形如鷄膳子故名

員背嶼 偽時居民甚眾今止零落一二家

中墩嶼 形如墩堡之狀周圍里餘居民十數家

大倉嶼 澎民罕到只一壙土耳

丁字門嶼 周圍不及里許並無居民去西嶼頭

有七八里許

北山鎮海嶼 明金門防守海寇官兵常哨揀鎮

駐於此故名為北山鎮海

空殼嶼 北嶼並無水利又無土產若剩一空殼

故土人呼為空殼言百物皆無也

白沙嶼 嶼之周圍皆有輕白粉沙故名

姑婆嶼 澎湖居民春往捕蠔冬往掇拾紫菜

吉貝嶼 澎民常往張網捕魚

金嶼 其嶼有黃赤色如金故土人呼之

屈仄嶼 嶼形如卧虎屈仄勢

日嶼 無居民

鐵砧嶼 山上皆石板大三四丈平坦無痕若攻鐵之砧然故名

顏靖嶼 無居民

澎湖三十灣

娘媽宮灣 其灣可拋南北風戈船二十隻今水師鎮防汛在此

西垵仔灣 此灣卽在娘媽宮灣外北風僅可泊戈船三四隻

雙頭跨灣 媽宮對面有山名曰案山後有港入

到盡處卽是此灣潮退時盡是爛泥凡遇颶風官商船皆收入此灣避風

東衛灣 媽宮里餘有城曰暗灣城明俞大猷所建今壞其址尚在由此轉東五里卽是此灣

西衛灣 去城西二里許

鼎圓仔灣 在東衛西去東衛灣五里許

紅羅罩灣 在東衛東去東衛灣八里許

湖東灣 在紅羅罩東有一大湖湖東西俱有民居東曰湖東灣西曰湖西灣

湖西灣 見上

龜壁港灣 在湖東灣東北相距三里許不時有

龜■進港字卯故名

小菓葉仔灣 在湖東灣東相距五里許

良文港灣 在紅羅灣東南相距八里許此灣可

拋南風船二十餘隻

林投仔灣 在良文港西南

烟墩仔灣 在東衛灣南相去五里許

鎖管港灣 去烟墩仔灣八里許

峙內灣 此灣在鎖管仔灣南相距五里可拋北

風船十餘艘

瓦銅港灣 在城仔灣西相距四里許前年紅毛

曾築銳城於此外有一嶼曰桶盤嶼

通樑港灣 在瓦銅港西五里許

鎮海港灣 在城仔灣北有潭名曰萬丈潭凡官

商船遇颶風皆收入此處避風

大赤墩灣 在鎮海港西三里許

小赤墩灣 在大赤墩灣西三里許此灣去吉貝

嶼不遠只用小艇往來

外塹灣 在西嶼頭嶼裡面

內塹灣 去外塹灣僅有三里之地凡自廈門來

澎者多拋船於此二灣風浪甚穩

竹篙灣 離內塹灣五里之地

輯馬灣 去竹篙灣僅有五里許此灣盡處對過

通樑山有一門曰吼門流水湍急船罕出入
八罩灣 與將軍灣相連可泊船

大嶼灣

花嶼灣

東吉灣

西吉灣 以上四灣俱小灣僅小漁艇泊此候流

耳

水利

臺灣縣水利

甘棠潭在保大東里係佃民私築以防秋旱原多
生甘棠樹故名之

無源潭在永豐里其水不流內產小魚蝦

蓮花潭 承天潭俱有灌溉之利

王友埤在仁和里係佃民王友所築因以為名

參若埤在文賢里自紅毛時有佃民姓王名參若
者築以儲水灌田遂號為參若埤云

十嫂埤係王十嫂募佃所築故以名埤

月眷池係明寧靖王填築灌田形如月眷中植紅

白蓮花甚盛今廢矣

鴛鴦潭在文賢里紅彝時有鴛鴦戲於潭故名

水漆潭在文賢里四面生水漆成林故名

鯽仔潭在永康里東南周圍大十里餘深不可測

潭生鯽魚甚多歲有稅

小坑溝在仁和里發源東北西流入海

鳳山縣水利

涸水埤在依仁里有數處

風櫃門潭以其潭形似風櫃然

竹仔湖在長治里灌注甚多

鯽仔潭在維新里濶三百餘步深丈餘內產魚

三鎮埤係偽時林三鎮所築

龍鬚埤水從龍鬚港來因以龍鬚爲名

草潭在觀音山庄蓄水甚多灌注甚廣

蓮花潭中產蓮花故名

公爺埤在鳳山庄偽鄭輔政公所築

竹橋埤灌竹橋庄田

金荆潭內多生金荆樹故名焉

諸羅縣水利

鼎臍挖在新港之南

蟬潛塢與鼎臍相接皆出魚蝦

草埔五塢在安定里秋月有魚

蚊港統隸南崑身北崑身茄藤頭威裡等港皆漁

船採捕之所

後壠港由崩山社至新港仔入海

竹塹港一支爲中港在武勞南日兩山之間合流

入海

南嵌港自雙寮山奶奶山異源合流出鳳山之北入海

注水潭在赤山

石螺潭在大壑壁內

鬼面潭在半線山內皆水所停瀦夏秋則溢冬春則竭居民土番取其魚蝦螺以爲食非罟繒罾所可施者也

卷之三終

臺灣府誌卷之四

物產

蓋自敷奠既奏禹貢表九土之奇貨貝漸開班都誇陸海之富是以泉府之掌蠙珠卉服兼收算地之書煮海鑄山并重欲布其利必因土宜臺灣土水盤紆川源清遠層巒峙乎東北梓材備棟梁舟楫之需滄浪繞乎西南海錯擅魚鹽蜃蛤之利走獸飛禽之類咸若羣分名花異果之種繽紛錯出以漁以佃固可遷有以易無滿篝滿車亦足耕三而餘一雖云僻壤寧讓中區畱四千年未啟之乾坤爲六十載初闢之土宇猗歟休哉爰以爲志

稻之屬

蚤尖 米有赤白二種 蚤仔 米白赤色 糯米 米白赤色 赤殼 所種故名 尖仔 粒差小埔尖 糯米 粒大白 赤殼 秫 白粒大 虎皮秫 米殼赤有文 白尖秫 米白粒 竹絲 秫 米青白 生毛秫 殼有萍米白粒長而 過山香米 味香 鴨母跳 米白性粘 以上諸稻俱有 種 諸秫 入社土民種 于園米獨大

麥之屬

大麥 立冬種 清明熟 有二種 一名早黃 小麥 可磨 者粉 大麥 一名青大麥 其米肚青色

黍稷之屬

黍 有稭糯二種 薯黍 赤俗呼蘆黍 即稗黍也 粟 別名稷 脂麻 可作油 俗呼香油 鴨蹄黍 以上三 菽之屬

黃豆 皮黃粒大如榛磨碎 白豆 皮白粒差小和麵 黑豆 皮黑可作豉 米豆 皮白可和米煮 綠豆 皮綠 可作粉 俗呼早者六月收 塗豆 油一名落花生可作

蔬之屬

薑 三四月種 五六月發 紫芽纖嫩 如指名葱 有大麥 蔥差大有一韭 韭有赤白二種 似蒜 有種曰風蔥 又差大 韭 韭有赤白二種 似蒜 有諸葷 惟蒜有毒 芋 一名土芝 一名蹲鳩 臺有一獨瓣者 尤辛烈 芋 最大者長尺餘 肉似檳榔 紫紋味佳 薯 有紫白二種 蔓 番薯 皮有紅有白 蔓生多蜀中 薯 生結根而成

石之獲地土薯力省而獲多有山藥即薯芥菜青
貧者賴以克腹味甘亦可生食一次至冬連叢割
之二種有逐月摘葉者有只摘一次至冬連叢割
之者其日芥有二種味最甘脆又一種為紫芥惟
最辣可為芥六月菜頭白六月大盛白菜葉短而
辣以和食品六月菜故名子可入藥如芥蓬厚
北方菟菜色有紫有白不芥藍菜其色如芥蓬
而柔晒之難乾菠菱此菜出西城頗稜國頗
俗呼厚葉菜菠菱訛為菠俗呼赤根菜
莖節似竹此菜來自古倫國以薤盛之譯
不能通但名薤菜能解野葛毒又曰地網
所謂葫荷蒿葉似艾花似小芹菜有荻芹莖白有
芟是也荷蒿性冷味香辛厚芴瓜赤莖葉俱赤
可淪食之蟬菜一名浮籐菜而厚芴瓜色蔓生質長而
亦可為菹菜瓜或呼鼠瓜形似背瓜而差小長五六
色者亦菜瓜寸許色綠而使西域得金瓜種大小二
名白瓜之蔓生漢張騫使西域得金瓜種大小二
布羅西瓜之蔓生漢張騫使西域得金瓜種大小二
純黃色有青而班點色小王瓜苦瓜亦名癩瓜
者鶩毛黃色人以供佛

六寸許皮皺味甚易瓢初生色青白冬瓜蔓生
至熟轉紅核如木鱉子而小俗呼紅瓢
浸以灰水和糖匏亦名瓠蔓生有綠地者有綠架
煮之可作茶品匏者種不一有葫蘆匏有長匏有
頸匏老則皮堅極大茄有長者圓者筍若豆芽綠
者土民鏤空作器茄有長者圓者筍若豆芽綠
用名豆浸生長豆又名生角長亦名筋豆加說豆俗名
亦名豆浸生長豆又名生角長亦名筋豆加說豆俗名
無所考據刀豆亦名生形似刀乳豆蔓生亦名扁豆
內地所無刀豆亦名生形似刀乳豆蔓生亦名扁豆
三邑紫菜一月海石上其色紫十鹿角菜似鹿角狀
俱有紫菜一月海石上其色紫十鹿角菜似鹿角狀
海粉青白二色狀如粉條生海香芋長尺餘大至
果之屬

槎乃紅彝從其國移來之種株極高大實如豬腎
亦宜至五月間味酸如梅採而塩之可作菜品病者
白者有微根在核將食須用青有黃者肉有黃有
微酸計有香槎木槎肉槎三種木槎味勝肉槎香
槎其尤者也即外國志所載南方有果其味甘其

色黃其根在波羅密亦荷蘭國移來者實生于樹
核者是也如斗而扁其色黃皮似如來青荔枝亦如之
至熟大如斗而扁其色黃皮似如來青荔枝亦如之
頂剖而食甘如密然甚清粵亦有焉木瓜果俗呼寶
白草麻相似葉亦彷彿中之實如柿肉鳳梨葉似蒲
亦如柿色黃味甘而膩中多細子肉
旁有刺果生于叢心中似棗成鳳羅密色亦黃味
酸甘果末有葉一簇可似棗成鳳羅密色亦黃味
子硬樹高數丈直起無枝似棗成鳳羅密色亦黃味
以釀油中椰酒中亦甚多味淡檳榔向陽日大腹實可
甘俗呼椰而低實如鷄心而差大和菓籐食之
入藥叢似椰而低實如鷄心而差大和菓籐食之
能醉人粵甚盛且甚重之益南方地濕不服此無
以祛暑蔓生葉似桑味桃亦不一有紅桃有百葉
瘴臺地之桃梅子梅所產不多鹽石榴國得歸種有
小而味酸晶如水晶核小者曰蜜榴皮班赤肉
三皮黃子晶如水晶核小者曰蜜榴皮班赤肉
薄核大味酸者曰柴榴有皮白肉白味酸澀者曰
宜之也疾番石榴多細子味酸甘俗呼梨仔反中

柑仔密形細子亦不堪充果品可和糖煮作茶品番
柿形似柿皮有毛色畧紅味柚實大而皮厚熟皮
味有甘有酸葡萄有青紫二種蓮子實也芭蕉
人以供佛酸葡萄有青紫二種蓮子實也芭蕉
菓芭心開花結實枕椰子樹若鐵蕉葉亦如之花
月始熟色黑如山茱萸而甘核亦彷彿之其結子
時土民即種埔尖是歲枕椰子若多生即其結子
穀亦甘性溫味甘有紅皮者有白皮者又有一
有年種幹小者名曰竹櫟煮成糖以上三邑
俱有

帛之屬

綿布即吉貝芋布即芋用糯糊烈日麻布即麻為
用以上三毛被鳳土民以獸為之也

貨之屬

邑俱有

臺海詩志

鹽有煮法有晒法 臺有晒法 鳳二縣 出有黑砂糖 糖有白砂糖 冰糖用糖煮

油有草麻油 酒有江東酒 有有老酒 亦有名 簾有大簾 菁有

子皆種有 產于臺者 尤佳 菁靛 作可以 吉貝 花即木棉 苧苧

土民所種 麻有二種 白薯 椰而莖蔓似薯 根似何首烏

之可織暑布 柴皮也 染皂用 灰燒蠣殼 炭燒雜柴 芒芒

箒即少康 所作用 以掃去塵埃 鹿麝 獐麝 皮二鳳

出興販 東洋用 藥之屬

天門冬蔓生有逆刺 花如指 土茯苓 似茯苓而小 色

鹿茸鹿兒角 之初發 而茸者 稟純陽 之質 含鹿角

膠用鹿角 鹿角霜 角渣也 硫磺 出其出 磺之淡 水

煙狀不絕 穿山甲 即鯉也 相菰 小兒口 痛煎洗 即愈

藍茶菰色有紅白 痢疾紅者 用紅白 三奈 似薑 薑

見蔬 山藥 類見蔬 藕節 即蓮 地骨皮 即枸 杞香 附呼

塗姜黃 南星 穿山龍 土木通 松寄生

薏苡昔伏波征交趾 得之 人讒為明珠 白扁豆

金銀花蔓生花初開 色白 隔宿色 黃翁 鬚故名 通草 性

利水兼能 通乳竅 時水燭 生於水 中形 蛇草 形似

人染以 采色 製花 水燭 如燭 故名 艾葉 厚茸 多

有小 白花 臺地多 毒蛇 傷人 輒死 今艾 其細 葉者

乃蒿 益母草 宜于孕 婦煎服 之多 愈艾 其細 葉者

艾也 澤蘭 班節 相思 白鷄冠 能治 婦崩 蒼耳 子形

羊矢體 有密刺 俗蘆 菹子 即六月 郁李子 即唐棣

呼其草 日羊 帶來 蘆菹 子菜 子也 郁李子 花實 也

呼其草 日羊 帶來 蘆菹 子菜 子也 郁李子 花實 也

車前子 草麻子 草菓 蟬退 白蒺藜

澎湖 鶯管石 石决明 出見

竹之屬

猫竹 生深山 大 荻竹 竹節處有荻臺 笙竹 生深山

挺立若移 小 長枝竹 節又呼鬻脚綠 鳳尾竹 俗呼

竹籬仔竹 枝細如箭可 蘆竹 生於溪澗濕處叢小

江南竹 作魚泥籬落者俗共稱江

木之屬

樟 木理潤密可為器材 氣辛味烈熬其汁成腦取

楓 樹如白楊葉圓而岐 春發秋 厚栗 木甚堅硬可

栗可 黃心 木心黃 百日青 雖枯而色 桐 柳 樸

赤鱗 木色赤皮如 烏裁 木皮烏 象齒 木硬而直

夏梅 花小而香不能結實 白 埔柿 無實而 山荔枝 亦無

花埔荆 俗呼苦練 棗味甚苦 相仔 皮可為香樹

入黃日子 實可 茄籐 皮有紅白二色紅者 林茶 內地

生葉多刺土語呼林 土杉 水漆 九芎 雜柴

茶姑以土字名之 藍茶 生于澗畔能結實體圓色黃

其名不一莫識 藍茶 堅而如木人莫嘗其味不堪

疾宜之樹能生荻荆 草麻 莖有紅有白實殼黑仁白

花之屬

刺桐 花木高大枝葉繁茂 山丹 其花一朶百莖狀

有粉紅者 紫荆 先花後葉自下而 芙蓉 此木芙蓉

枝疎花繁而無香有紅佛桑其葉似桑故名其花
有白有朝白暮紅者類但花單葉六出樹蘭叢高
常照殿紅亦佛桑之類深紅亦無香
花似桂色黃指甲花一名七里香蓋如碎珠紅色開
香甚清幽
菁梅花開首百花故名曰花魁古詩云東君選作
多當冬春之交山谷盛開沿途百藥榴花多葉而
十餘里香氣不歇梅子見菓類
色有粉紅色百葉紅桃花能結實於別桃色甚鮮紅
俱不能結實
似不能結實百葉白桃亦名碧桃色甚潔
結實三友花俗呼番茉莉樹高葉似枇杷差厚蓋
實能結三友花生枝杪花有五瓣色白瓣外微紅內
淡黃水錦花有紅有白唐棣叢不甚高花似百葉
味香郁李花其實長春色四時常開紅麗春大花長春
可入藥品
密色嬌紅薔薇或白香甚清冽
三月開

葉者味香末麗其根能毒人亦有百葉者
不結子
蝴蝶香叢如蝴蝶無一丈紅葉一花有紅有粉紅有
白者俱無香開孟夏所謂五尺欄杆蓮花亦名荷
遮不住還雷一半與人看郎此花也蓮子根曰
紅節通中直體花之君子也臺四時皆開
色有黃有白有紅有大有小者種有數玉芙蓉
本開于晚秋不爭春妍為花之隱逸者也
葉似艾而圓花似菊蕊而青黃雖
不艷不妍然其葉馥郁亦覺可愛鼓子正紅大穗
端午盛開俗夜合香溱而濁昏開夜合故名青
呼競船花
日紅以色紫無香瓣勁最耐久雖摘藏之經年累月
香金錢葉尖長花如錢色紅如新亦有白色者亦無
花無香開夏秋海棠係鐵番蘭如蕙花亦鹿葱
亦曰美人蕉
一名萱草亦名忘憂詩云焉得諛草言樹之背是
也相傳謂姪婦佩則生男又名宜男其葉似蘭垂

其附六出 月下香 葉似蘭而小花幹亦如之一幹
一幹數附 花長寸許色白 雞冠 叢似有高低有矮幹末為
下而上花出方間香故名 素馨 蔓生夏開色紅白二
更闌月出方間香故名 素馨 蔓生夏開色紅白二
種無香白者 金銀花 類見藥 素馨 蔓生夏開色紅白二
可以入藥 兔絲 亦日凌霄蔓生小紫花無
清露泥愈香又一 兔絲 亦日凌霄蔓生小紫花無
種花黃曰黃素香 兔絲 亦日凌霄蔓生小紫花無
老來嬌 黃紫叢老色愈嬌 曇花 花白夏開以

草之屬

仙草 搗爛絞汁和麵粉煮之雖三伏 鼠麴 葉青白
色二月間 排草 類見藥 車前草 亦名鯽魚草 艾 類見藥
始採之 羊帶來 實曰蒼耳 澤蘭 類見藥 白耬草 製白耬可瓶
桃草 食之令人顛 益母草 類見藥 乳草 採而和肉煮
食能通 仙人掌 不葉不花 茅草 草屋 芋仔 龍舌
孔竅

草 馬鞭草 豬母莧 莖紅 鷄舌草 旱蓮草

羊耳草 苦草 畔生水 遍地錦 淡酸草 馬鞍簾

鷄矢簾 浮萍 上無根 蘋 亦萍 藻 底生水 蚶壳草

曼陀草 花開白色入酒令人 昏迷以上三邑俱有

畜之屬

牛 有水牛黃牛山多野牛 豬 羊 犬 產之番社
取來教訓方可耕田 鴨 邑以上三

不嚙 貓 鷄 鵞 鴨 邑以上三

羽之屬

鶉 飛去知還 鵲 水鳥足細尾長背青灰色腹
飛則鳴詩 雉 亦呼野鷄其羽文黑如連錢行則搖

以况兄弟 雉 亦呼野鷄其羽文黑如連錢行則搖
之則羣噪今人聞其聲則睡之謂其能反哺乃孝鳥也 燕

南者通身黑者知父母之恩能反哺乃孝鳥也 燕

有二種鵠赤與黃鳩其知陰晴以白鷺一頂有毛如絲者比內地稍大善鳴好聞今按其鷓鴣養之能人畫者聲似鶯而小亦清圓可聽以鳧水鴨雀一名入哥呼布穀為耕農之候故名鳧也水鴨雀一名謂栖宿人家如賓客鷗鳥釣魚翁如翡翠而小常也又有食母之鳥鶯一名倉庚又名黃鸝其聲清而食伯勞名不孝鳥鶯婉如調歌然冬月以上自暴之蟄當樵熟時鷓尾短善擊鳧鴈鷹者食雀鳥則應節而來鷓尾大如鷹蒼黑色鷹食雀鳥鷹秋身黑尾長能搏白頭翁似雀而大頭鬼鳥鷹此極惡之鳥也

毛之屬
形質聲音似百舌竹鷄 蘆鷄以上三但毛褐而赤鮮鳴宿海中翼黑鶴國公鳥

金錢豹 似豹而小搏鹿麋鹿小日鹿鹿似鹿而小

甚麋即麋如小麋似鹿而大無兔有白色有青色細鹿而無角

生性猪熊猴一名狙一名王孫一山猪似家猪不淫

山猫似家猫獺似猴而小青黑色膚如伏翼鼠三有俱

鱗之屬

海翁能吞舟鯉鱗為魚之長鯽池潭金魚有鯽泥鱸魚大形頗似鱈而烏魚其子晒乾日鯊魚百餘

鮪淺在海沙中既不能鱸魚味甘鮓魚有黑白二去人割其肉潮至復去鱸魚味甘鮓魚有黑白二扁者魴魚多形似鮓魚海鰻味大者數鮓魚耳鰻池潭

鮒仔潭長翼兩翅差長紅沙魚皮紅敏魚形畧似

肉多烏頰冬形似過臘而小隆麻虱目大水波化生倏而

臺粵牙志

極佳貼沙魚行身薄扁金鐘仔扁形小而銀魚及澎湖出者

龍鮎出澎湖鸚哥魚而皮如鸚鵡色油魚一名而多塗黃鰕魚

似鱸鮠魚俗呼鮠魚口湖出獅刀形似大鰕魚

此魚每于夏秋羣聚竹葉鰕長似鰕青無鱗魚無似鱸

花鮎形似金鐘小金錢魚而形似花鮎牛尾魚扁尾小

狗母魚頭形似牛尾魚但鐵甲魚其鱗硬如甲魚珠

帶形與白帶魚相似而味則鮐魚尾細而甚長鱈

魚似鮐魚而小肉青鱗魚小而鱗青鱈魚大者如掌頭

寸許其皮極粗剝飼子飯和飯以飼細而無細骨可

而晒乾可磋材器鮐魚善跳亦鱧魚皆池潭魚

鮐魚俗呼鮐魚肉極鮐魚善跳亦鱧魚皆池潭魚

腹拱于水而欲保其子乃慈魚也則塗虱人亦名彈

彈瑟生梭魚頭尾俱尖水尖而嘴長遍身苦圓皮有

黑點小紅魚仔而紅小萬年瘦四時皆瘦大頭桃似

者味苦紅魚仔而紅小萬年瘦四時皆瘦大頭桃似

其頭差大白腹身黃鬪魚又曰班魚紅蝦

大者五六寸黃梔米蝦之小而大脚蝦池潭皆有

長肉有紅膏黃梔米蝦之小而大脚蝦池潭皆有

脚章魚足垂裹肚在石拒穴中或取之能居

粘石拒人烏賊或曰秦始皇遊東海棄墨袋于海

化之故口猶吐墨水談苑云鎖管一名靜瓶魚似

介之屬

龜生于池塘埤圳之間甚多鼈一名團魚鰲海中

蟹其螯與爪皆有毛大者曰毛蟹小者曰石蟹小

蟹而殼微黃色螯細無毛其行斜傍曰螭小而

螿赤生溝渠中曰螿螿殼圓似虎頭有螿形畧似
紅赤斑點螿螿殼尖而有紫毛曰虎獅石而生蟹而大
其螿與爪蠟點皆蟹類也牡蠣殼如瓦屋故蛤殼有
皆無毛爪蠟點皆蟹類也牡蠣殼如瓦屋故蛤殼有
房肉故曰蠟旁俗呼曰蠟蚌殼似蛤而小土坯色
其殼燒則成灰見偵類蚌殼似蛤而小土坯色
半線蚌老者能空牙而殼薄紅栗殼似蛤而小土坯色
極多蚌含珠者能空牙而殼薄紅栗殼似蛤而小土坯色
有尾如豆生毛蟻殼厚而仙人掌形似龜脚又曰龜
處澎仙人耳片一名鮫魚狀如蛤附石而生甲惟一
湖出仙人耳片一名鮫魚狀如蛤附石而生甲惟一
也澎湖出大螺其殼厚處可鸚鵡杯香螺雪白而尾有
膏碑礫螺磨其殼厚處可鸚鵡杯香螺雪白而尾有
肉出殼外浙珠螺殼圓肉頭有蒂硬如虎螺珠形似
東謂之土鐵珠螺殼圓肉頭有蒂硬如虎螺珠形似
而大澎海膽殼圓如盒仔形酒盞螺面平底尖體
湖出名鮫鯉力能穿山甲見藥類田螺圓可磨作酒
澎湖出名鮫鯉力能穿山甲見藥類田螺圓可磨作酒

蟲之屬

沙蠶此海蟲也形似蚕而大色水蛙青約水

龜有翼色黑能走水面蜂種類甚多有虎頭蜂

有梅蜂又有一種黃蜂作蜜者一種黑蜂作蜜崖

石間一種黃蜂作蜜人家能知君臣之義螺羸

蟻似蜂腰小而長傍人家能知君臣之義螺羸

桑蟲置于空中祝之七日即化為子蟬有粉

黃黑采同蝠蝠肉翅畫伏夜飛掠蚊食蟬兩翼喙

色不同蝠蝠肉翅畫伏夜飛掠蚊食蟬兩翼喙

下以脇鳴一種秋深脫于樹枝名曰蟬退蜻蜓

見藥類一種秋深脫于樹枝名曰蟬退蜻蜓

遇雨多集蛾一名慕光每夜飛善拂蜉蝣水虫也

水上欸飛蛾一名慕光每夜飛善拂蜉蝣水虫也

死螢一名暉光一名夜光一名蠅蠅好交其前足

後足搖翅自扇又有一種螳螂拒物能捕蟬又各

青蠅赤頸若火背如負金螳螂拒物能捕蟬又各

天馬秋深乳子螽斯股相切作聲性長角長股能以

至夏初乃生螽斯股相切作聲性長角長股能以

十九九子俗呼草馬
蟋蟀 似蝗而小善躍光澤如黑漆色有角翅聲鳴在翅善相鬪一名莎鷄
一名**螟蛉** 桑蟲也蝶羸負以爲子詩**蛇** 種類甚多促織蛇皆水處曰紅蛇青竹蛇百步蛇飯匙**蜈蚣** 草花蛇皆水處曰陸處臺之蛇最毒咬人立死
能制毒氣甚毒 **蠅虎** 蛛屬藏間隙廻**蜘蛛** 大腹者壁間多有之
蠅 居牆壁間夜行**班** 生豆葉上有黃黑斑者名喜子
蜚 居牆壁間北人呼曰**蝎** 虎有四種曰石龍取以丹硃和脂飼之身盡赤至次年午日搗之以塗宮人臂上有所私者塗之卽消故名曰守宮又有一種**蛭** 蛭書蟲也古詩云**蟻** 有走馬日蠅**蚤** 日蚤**蠹魚** 芸葉薰香走蠹魚**蟻** 有穴地中有白蠶能運土食人棟梁**水蛭** 俗呼爲蜉蚯蚓 蛭一名土龍一名**蚊** 水生蚋三邑俱有
卷之四終

臺灣府誌卷之五

風俗

風俗之奢儉貞淫始於人心而終於國運故觀化於國不如觀化於鄉然中土之民人世其籍家世其業有父兄以教之有姻族以維之相安其舊百年而不變者習於其方也臺灣自紅彝僭竊以來因仍草昧鄭氏父子相繼民非土著逋逃之淵藪五方所襍處未盡同風而易俗且其時法網嚴密攘及牛豕者如殺人之罪故民皆惴惴焉以盜竊爲戒今

國朝寬大苛禁咸弛而鼠竊時聞非天性之有異實

民心之澆薄也而最滋害者莫甚于賭博夫賭博惡業也不肖之子挾貲登場呼盧喝雉以爲快以一聚兩以五聚十成羣逐隊叫囂爭鬪皆由於此至于勝者思逞負者思後兩相負而不知悔及家無餘資始則出於典鬻繼則不得不出於偷竊亦長奸之囫也臺習父不禁其子兄不戒其弟當令節新年三尺之童亦索錢于父母以爲賭博之資遂至流蕩忘返而不知所止莫甚于結盟豪健家兒自附於結納聚少年無賴之徒指皎日以盟心撫白水而矢誓稱兄呼弟修登堂拜母之文亦自謂雷陳復出古道相期不知往來旣頻則飲醕之

累生聲援旣廣則爭競之患起大凡人情寡則知檢衆則傲放習見習聞口無擇言相與鼓其雄心以致身蹈匪僻實政治之蠹矣甚至有結交營棍扛幫詞訟箝制官長稍拂其意聚衆而譁之恣行無忌犯上作亂視爲固然誠可慨也又其俗之不善者婚姻論財不擇壻不計門戶夫死則再醮或一而再再而三白首婆婦猶字老夫栢舟之誓蓋亦鮮矣佞佛諂鬼各尚茹素或八九齋朔望齋或長齋無論男女老幼常相率入禮拜堂誦經聽講僧俗罔辨男女混淆廉耻旣喪倫常漸乖故異端之教不可不距也人亦頗知讀書兒童五六歲便

臺海府志 卷之五
教就學及稍長卽命輟業雖有穎悟傑出之姿亦
言不及義而好行小慧深可惜也亦可慮也若不
亟設學校開科取士動其功名之念恐無以格其
非僻之心矣男女出入輓運背物俱用牛車如吳
越之用舟楫也農業頗易布苗于田不事耘耔非
凶歲可以無饑三邑之民務本者多逐末者寡無
久停之親樞無永錮之婢女此亦遐陬之善俗耳
若夫端風化正人心導之以節儉示之以防閑重
廉耻而敦禮讓煥然成文物之邦者是當望有成
于三年俟後仁于必世非旦夕之間可以爲過化
存神也然統臺郡三邑之人民計之共一萬六千

餘丁不及內地一小邑之戶口又男多女少匹夫
猝難得婦生齒奚能日繁地廣人稀蕭條滿眼蓁
爾郡治之外南北兩路一望盡綠草黃沙懸邈無
際故郭外之鄉不曰鄉而總名之曰草地荒村烟
火于叢草中見之草地之民所居之屋皆誅茅編
竹爲之無木樑瓦蓋經年卽壞風吹卧榻雨滴寒
厨勁風積霖多傾巢之恐男女無完體之衣適口
乏肥甘之味衢路衣冠偶或遇之疲瘡慘淡之狀
不堪睹聞蓋緣地瘠而民貧民貧而俗陋誠可悲
也亦可念也

土番風俗

土番之俗與吾人異者重生女而不重生男男則出贅於人女則娶壻於家也產婦甫生同嬰兒以涼水浴之人死則結綵於門不用棺木所存器皿衣服與生人計分勻受死者所應得同埋於院中三日後會集親黨將死者取出設坐各灌以酒重爲撫摩然後埋葬男女應婚娶之時女集解中諸男吹口琴于外意之所欲女出與野合擇其當意者始告於父母置酒張綵邀同社之人聚飲於家卽成配偶無納幣送粧之禮女有夫去其一齒及後夫婦不和不論有無生育各相離異再自擇配

不復顧戀甚有互相更易者番人無姓氏不知歲月惟憑草木聽鳥音以節耕種無祖先祭祀亦不自記其庚甲父母而外無伯叔甥舅之稱平日以射飛逐走殪獐殺鹿爲事透草穿林攀藤援木是彼之長技恐腹大難于奔走當十五六歲時必編藤竹圍腰束之使小以期便捷又多以鉄鐏環臂以示壯觀性好飲嚼米釀酒所食無論腥臭凡可入腹者舉手輒盡男婦皆跣足不穿袴上衣短衫以幅布圍其下體番婦則以布裹其脛束髮盤頭亦知插花草以示艷或有以稻草束髮者土官有正副大社多至數人小社或二三人五六月隨其

交派各分公廨有事卽集於廨以聽議小番之未娶者不宿于家而羣宿于廨中自紅彝以來習其字能書者謂之教冊凡出入之數皆經其手用鵝管削尖濡墨橫書自左至右非直行也番素朴愚不知權量今諸羅之新港蕭隴日加溜灣蔴荳哆咯咽大武壠等社去府治頗近多事耕田猶能以錢貿易餘社則以其所有易布絮鹽鐵之類于社商而已鳳山之下淡水等八社不捕禽獸專以耕種爲務計丁輸米于官大抵番民剽悍不善治生而南番尤窮於北番亦因其地產之多寡不同耳衣食之外別無他計予以酒食則懽欣趨事番中

亦有聰慧能通漳泉言語間能作中州語者若半線以上則非使令之所能及也諸番好以竹節穿其耳垂小者可容象子大者至容鴨卵身多刺記或臂或背好事者竟至遍體皆文其所刺則紅彝字也番屋高地五六尺以木梯之而上其形似船狹而深自前至後無所遮蔽無被褥卽以衣爲覆無廚灶以三足架架鍋于地粥以秔米爲之熟則環向鍋前各執椰瓢汲食飯以糯米爲之熟則各以手捏團而食米則隨用隨舂無儋石之儲粟麥衣服皆貯葫蘆中無捆箇箱籠之噐有番歌唱則

羣番攜手成圍嗚嗚呼呼咄咄啾啾搖頭顛足如

扮戲狀每歲春月社必一舉男婦傾社而出亦有以銀銅作飾繡綺爲衣者疾病不知醫禱止浴于河相傳爲大士置藥於水以濟度諸番當冬月多入水澡洗以爲快所用標鎗長五尺許取物于百步之內發無不中弓則曲竹爲之以蔴爲弦箭鏃長而細無翎毛人必携一刀橫于腰下如屠刀而刃圓竹木之類隨手砍斷捷于工匠編籬造屋俄頃可成若其俗之善者人至其家出酒相敬先嘗而後進年少之番遇耆老尊長必傍立低頭讓其去而後行他社番偶來本社相遇亦然此亦少長賓主之義云至于男女聚處暑熱之時男皆赤身

女皆裸體相對飲食淫慾之事畧不差避好殺人
取頭而去漆頂骨貯于家多者稱雄此則番之惡
習也

卷之五終

臺灣府誌卷之六

歲時

元日早起少長咸集禮神祭先祖羹飯後詣所親
友朋友故舊賀歲主人出辛盤相款洽俗謂之
賀正

次日起至元宵止好事少年裝束仙鶴獅馬之類
踵門呼舞以博賚賞俗謂之鬧廳

立春前一日有司迎春儀仗彩棚優伶前導看春
士女蜂出擁集填塞市中亦東郊寅日之意

元夕放燈庵祠廟院及所居門首各懸繩索竹竿
掛紅紙燈籠一盞有善歌吹者數輩爲耦製燈

如飛蓋狀或絲或竹或肉以次雜奏謂之鬧傘
更有裝束道巫仙佛及昭君龍馬之屬向人家
歌舞作慶謂之鬧元宵

二月二日或十六日各街社里逐戶歛錢宰牲演
戲賽當境土神名曰合福

三月清明人家無論男婦老幼謁拜墳墓輿步壺
漿絡繹郊原祭畢藉草啣杯遞爲勸酬薄暮乃
還俗謂之上墳

四月八日各院僧於閱月前沿門索施作龍華會
俗謂之洗佛

五月五日家折松艾懸之門首以五色絲繫兒童

臂上呼爲長命縷又以繭作虎子形帖兒額上
到午時脫而投之所在競渡船不過杉板小艇
大海狂瀾難以擊楫僅存遺意亦漬米裹竹葉
爲角黍

六月一日家以米粉抹紅爲丸供神俗呼爲半年
丸蓋頌禱團圓之意

七月七日是夕人家女兒羅瓜果庭中謂之乞巧
會

中元人家各祀所出以楮作錢銀綺錦焚之又爲
畫衣裳雜服上書菩薩經文名爲經衣延僧登
壇說法撒物食羹飯俗謂普施盂蘭盆會

中秋祀當境土神俗尚與二月同蓋春祈秋報之意是夜士子遞爲燕飲賞月製大麪餅一塊中以紅硃塗一元字用骰子擲以奪之有秋闈奪元之想

九月九日士人載酒登高菊漿萸佩盛自續紛題糕落帽之興間或有之

冬至以米粉作丸遍祀羣神及家先合長幼團圓而食之謂之亞歲

十二月二十四日俗傳百神將以是夕上天各備蔬饌供養以楮印輿馬從衛儀仗焚而送之至來歲孟陬四日具儀楮迎之歲除之日親友各

以牲羞相餉謂之餽歲是夕各門外爆竹聲傳謂之辭歲設酒殺一家老少合坐而食謂之圓爐蓋終歲之勞一夕之歡皆係內地人民流寓到臺則與內地相彷彿云

規制

城郭

一府三縣應設府城一縣城二今尚未建

臺灣縣附郭

鳳山縣城應設鳳山地方今尚未建

諸羅縣城應設諸羅山地方今尚未建

紅毛城在鳳縣轄安平鎮係紅毛歸一王所築周
周圍廣二百二十七丈六尺高二丈六尺設門二
辛丑年鄭成功率舟師下之卽其城而居焉今尚
存

赤嵌城在府治西北隅近海周圍廣四十五丈三

尺高約三丈六尺無雉堞之設名雖爲城而實樓
榭故又名紅毛樓紅毛酋長居之鄭氏因以貯火
藥軍械今因之

淡水城在淡水江口屬奇獨龜崙社今頽圮
雞籠城紅毛所建今頽壞

澎湖暗湧城明嘉靖間都督俞大猷追流寇林道
乾至此因築焉今頽壞故址尚存

澎湖瓦銅港灣銃城係紅毛所築明金門哨兵尚
駐札于此今圮

衙署

分巡道衙門在臺灣縣西定坊

臺灣府治在東安坊

經歷司在府治左

臺灣縣治在東安坊

鳳山縣治未建今就僞遺房屋修改暫爲行署
諸羅縣治未建今就僞遺房屋修改暫爲行署

臺灣縣丞衙門在東安坊

臺灣縣典史衙門在東安坊

鳳山縣典史衙門未建今就民居修改在土墘
保

諸羅縣典史衙門在佳里興

臺灣縣新港巡檢司衙門未建今就府治民居修
改暫在

臺灣縣澎湖巡檢司衙門在大山與紅羅罩

鳳山縣下淡水巡檢司衙門在下淡水東港

諸羅縣佳里興巡檢司衙門在佳里興

臺灣總鎮衙門在鎮北坊

臺灣水師協鎮衙門在安平鎮

澎湖水師協鎮衙門在澎湖 媽祖宮灣

南路營叅將衙門在鳳山庄

北路營叅將衙門在佳里興

臺灣鎮中營衙門在東安坊

臺灣鎮左營衙門在鎮北坊

臺灣鎮右營衙門在東安坊

臺灣水師中營衙門在安平鎮

臺灣水師左營衙門在安平鎮

臺灣水師右營衙門在安平鎮

澎湖水師左營衙門在澎湖

澎湖水師右營衙門在澎湖

學校附社學

臺灣府學在府治西南寧南坊因偽時

文廟而修改焉前後三層兩廡矮屋二十四間

先師殿設

至聖先師孔子神位及四配堂左右列十哲暨先賢

先儒姓氏牌前進爲櫺星門其泮池明倫堂

啟聖殿俱未建且規模隘陋采繪不施

聖殿止有一間以樑閣壁不設旁柱不過偽時草創

實非

與朝郡學之觀瞻也分巡道周與郡守蔣捐

俸修整然因仍舊址尚須重建拓闢

臺灣縣學未建康熙二十四年原任知縣沈朝聘就偽遺房屋脩改

文廟崇奉

先聖 先賢牌位春秋祭祀在東安坊

鳳山縣學未建康熙二十四年知縣楊芳聲就偽遺房屋修改

文廟崇奉

先聖 先賢牌位春秋祭祀在土墘

諸羅縣學未建康熙二十四年原任知縣季麒光草創茅茨爲

文廟崇奉

先聖 先賢牌位春秋祭祀在目加溜灣社

臺鳳諸三邑

文廟文治攸關亟宜建造

社學

臺灣府社學三所兩在臺灣縣東安坊一在鳳山縣土墘俱係郡守蔣 捐俸建立延請師儒教誨窮民子弟

學田

府學田五甲在臺灣縣文賢里有竹圍一所內植棧菓檳榔椰等樹係郡守蔣 捐俸置備農棋募佃開墾荒田以爲周恤貧生之需

廟宇

府城隍廟在府署之右偽時所建今因之規模隘小擴充另建尚有待於將來焉

東嶽廟在府治之東偽時建以祀東嶽之神郡守蔣毓英捐俸重修

上帝廟在府治東安坊偽時建祀北極大帝內有明寧靖王楷書扁額威靈赫奕四字

關帝廟三所府治鎮北坊二所鳳山縣治土墾埕保一所天妃宮二所一在府治鎮北坊赤嵌城南康熙二十三年臺灣底定將軍侯施同諸鎮以神有効順功各捐俸鼎建廟址卽寧靖王故宅也

內庭有

御勅龍匾輝煌海滋一在鳳山縣治安平鎮渡口

慈濟宮四所一在府治西定坊一在鎮北坊一在鳳山縣治安平鎮一在土墾埕保

觀音廟在鎮北坊前後座泥金色相左右塑十八羅漢俗呼爲觀音亭

沙陶宮在西定坊神之出處莫考上人共稱沙陶太子

二王廟在東安坊云神乃代天巡狩之神威靈顯赫土人祀之內有寧靖王行書扁代天府三字大人廟在臺灣縣保大里其神聰明正直亦是代

天巡狩之神

王公廟在臺灣縣長興里

崑沙宮在鳳山縣土墾埕保神稱三太子有寧靖王手書崑沙宮三字扁額

水仙宮在鳳山縣安平鎮

觀音廟在諸羅縣目加溜灣社中堂祀觀音左塑天地水三官右則關帝庭宇高敞案座脩飭

龍湖巖在諸羅縣開化里僞總制陳永華建環巖皆山也前有潭名龍潭潭左右列植楊柳緋桃亭內則碧蓮浮水蒼檜摩空又有青梅數株衆木榮芬晚山入畫真巖居之勝地也

靖海將軍侯施 生祠在西定坊萬姓公建甘棠
遺意也

附澎湖廟宇

天妃宮在東西衛灣灣前有案山其灣安瀾可泊
百餘艘係鄭芝龍建偽藩更新之今其靈猶加赫
濯焉

大王廟四所一在良文港一在沙港一在通樑灣
一在八罩與

真人廟在奎壁港

太子廟二所一在鼎灣灣一在赤嵌灣
關帝廟二所一在吉貝嶼一在瓦碇港

將軍廟在將軍灣不知何時所建灣因以爲名
坊亭

貞節坊在府治鎮北坊偽藩時豎以旌鄭宜娘其
傳載在人物女貞志

演武亭在西定坊面臨平原習射以講武事
分巡道周昌捐俸建立

養濟院

臺灣縣養濟院一所在鎮北坊偽時所爲今因之
鳳山縣養濟院一所在土墾埕係本縣知縣楊芳
聲建

諸羅縣養濟院一所在貝加溜灣係原任知縣季
麒光建

附義塚

義塚在臺灣縣寧南坊之南鬼仔山

市廛

菜市一所在寧南坊府學旁隙地五鼓時菜園人各以牛車裝載雜色蔬菜瓜果等物於此聚賣柴市在寧南坊墳山邊隙地近山人亦以牛車裝載柴薪於此聚賣晡時方散

街

臺灣縣有嶺後街油行街在東安坊大井頭瀨口街新街在西定坊大街橫街在寧南坊禾寮港街過坑仔街在鎮北坊又舊社街一所在歸仁南保鳳山縣延袤荒野無市廛

諸羅縣有灣里街在目加溜灣社

舖舍

臺灣縣附郡治曰府前舖自縣南抵鳳山縣界曰南路舖北抵諸羅縣界曰北路舖共三舖

鳳山縣在縣治曰縣前舖曰下淡水舖曰南馬坑舖曰中衝崎舖曰鯽魚潭舖曰江山溪舖曰府前舖共七舖

諸羅縣曰新港舖曰目加溜灣舖曰蔴豆舖曰佳里興舖曰茅港尾舖曰大路邊舖曰赤山仔舖曰新咽舖曰咧咯咽舖曰諸羅山舖曰打猫舖曰化里霧舖曰猴悶舖曰柴裏舖曰草埔舖曰西螺舖曰埔薑舖曰東螺舖曰小崗舖曰大武郡舖曰大

肚溪舖曰半線舖共二十二舖

渡橋

臺灣府渡在安平鎮天妃宮口

安平鎮渡在臺灣十字街西其渡頭牛車雜踏
呶招渡人無病涉也

西港仔渡在小媽宮口

澎湖廈門原無設渡僅附搭商船往來

橋

臺灣縣大枋橋在東安坊領仔頂偽時所建康熙
二十三年大水衝圯今已脩葺

磚仔橋在西定坊鳳山縣交界紅毛所建今圯壤
大橋在臺灣縣永康里洪水衝崩今只存舊跡

枋仔橋在臺灣縣東安坊今壞

烏鬼橋在永康里

鳳山縣

坑仔口橋在下淡水里

竹仔橋在竹橋庄

中衝崎橋在中衝營

小橋在維新里

萬丹橋在上淡水萬丹坑

崗山橋在嘉祥里

二贊行橋在文賢里

諸羅縣

鐵線橋在茅港尾保

茅港尾橋在急水溪尾

番仔橋在門化里

斗米橋在新港社

卷之六終

臺灣府誌卷之七

戶口

臺灣府

民戶一萬二千七百二十七

番戶二千三百二十四

口僞額二萬一千三百二十

底定存冊一萬二千七百二十四

續招徠三千五百五十

實在民口三萬二百二十九

男子一萬六千二百七十四
婦女一萬三千九百五十五

實在番口八千一百零八

另澎湖民戶五百二十三
口偽額九百三十三
底定存冊五百四十六

臺灣縣

民戶七千八百三十六

口偽額一萬一千七百八十二

底定存冊七千零八十三

續招徠一千四百九十六

實在一萬五千四百六十五

男子八千五百七十九
婦女六千八百八十六

另澎湖民戶五百二十三

口偽額九百三十三
底定存冊五百四十六

鳳山縣

民戶二千四百五十五

番就男女丁口徵米並無編戶

口偽額五千一百二十六

底定存冊二千八百零三

續招徠六百九十四

實在民口六千九百一十六

男子三千四百九十四
婦女三千四百一十四

實在番口三千五百九十二

諸羅縣

民戶二千四百三十六

番戶二千三百二十四

口偽額四千四百一十二

底定存冊二千八百三十九

續招徠一千三百六十

實在民口七千八百五十三

男子四千一百九十九
婦女三千六百五十九

實在番口四千五百一十六

田土

臺灣府

偽額官佃上中下則田園共計九千七百八十二

甲八分九厘五毫二絲三忽五微

偽額文武官上中下則田園共計二萬零二百七

十一甲八分四厘零四絲八忽五微

底定存冊官佃上中下則田園共計八千三百九

十一甲二分七厘五毫九絲零三微

底定存冊文武官上中下則田園共計一萬零六

十二甲九分八厘八毫一絲二忽

通府共計官佃文武官田園一萬八千四百五十

四甲二分六厘四毫零二忽三微

另康熙二十四年召募新墾應于二十五年起科
田園共二千五百六十五甲二分一厘五絲八
忽

另偽額地種五百零四石七斗六升

照石徵銀

底定存冊地種一百五十四石二斗五升七合六
勺

臺灣縣

偽額官佃上中下則田園共計七千一百零二甲
八分九厘九毫二絲三忽九微

偽額文武官上中下則田園共計四千五百九十

九甲七分四厘零一絲九忽四微

底定存冊官佃上中下則田園共計六千二百零
九甲八分三厘一毫八絲九忽七微

底定存冊文武官上中下則田園共計二千三百
五十一甲九分九厘零七絲七忽四微

通縣共計官佃文武官田園八千五百六十一甲
八分二厘二毫六絲七忽一微

另康熙二十四年召募新墾應于二十五年起科

田園四石一十八甲二分一厘四毫四絲九忽
另澎湖偽額地種五百零四石七斗六升

底定存冊地種一百五十四石二斗五升七合六

勺

鳳山縣

偽額官佃上中下則田園共計一千八百九十二
甲五分六厘二毫一絲九忽

偽額文武官上中下則田園共計七千三百一十
五甲七分八厘四毫一絲三忽

底定存冊官佃上中下則田園共計一千五百三
十七甲五分三厘七毫八絲九忽

底定存冊文武官上中下則田園共計三千五百
一十一甲零七厘四絲七忽

通縣共計官佃文武官田園五千零四十八甲六

分零八毫三絲六忽

另康熙二十四年召募新墾應于二十五年起科

田園五百二十五甲五分六厘五毫二絲八忽

諸羅縣

偽額官佃上中下則田園共計七百八十七甲四
分三厘三毫八絲零六微

偽額文武官上中下則田園共計八千三百五十
六甲三分一厘六毫一絲六忽一微

底定存冊官佃上中下則田園共計六百四十三
甲九分六毫一絲一忽六微

底定存冊文武官上中下則田園共計四十一百

九十九甲九分二厘六毫八絲七忽六微

通縣共計官佃文武官田園四千八百四十三甲
八分三厘二毫九絲九忽二微

另康熙二十四年召募新墾應于二十五年起科
田園一千六百二十一甲四分三厘八絲一忽

賦稅

田賦

臺灣府

偽時官佃田園科則

上則 田每甲徵粟一十八石零二斗

中則 田每甲徵粟一十五石六斗

下則 田每甲徵粟一十石零二斗

偽時文武官田園科則

上則 田每甲徵粟三石六斗

中則 田每甲徵粟三石一斗二升

下則 田每甲徵粟一石零八升

今官佃文武官田園酌議通勻一例科則

上則 田每甲徵粟八石八斗

中則 田每甲徵粟七石四斗

下則 田每甲徵粟五石五斗

實徵粟共計九萬二千一百二十八石零三升七

合九勺四抄八撮一圭

另康熙二十四年召募新墾應于二十五年起科

粟一萬一千九百二十八石三斗八升二合九

勺八抄四撮

偽時徵鳳山縣屬下淡水等八社土番男婦丁口

米共計五千九百三十三石八斗

今議量減實徵丁口米共計四千六百四十五石

三斗折粟九千二百九十石六斗

偽時徵澎湖地種銀三百零二兩八錢五分六厘

今酌減實徵地種銀六十四兩七錢八分八厘一

毫九絲二忽

臺鳳諸三縣田園租粟并八社土番丁口折粟共

應徵粟一十一萬三千三百四十七石零二升

九勺三抄二撮一圭外

應徵澎湖地種銀六十四兩七錢八分八厘一毫

九絲二忽

臺灣縣

偽時官佃田園租粟共計六萬二千三百零一石
四斗四升二合二勺四抄六撮八圭

偽時文武官田園租粟共計八千八百九十四石
八斗零二合三勺三抄九撮

偽時澎湖地種銀三百零二兩八錢五分六厘
今實徵粟共計三萬九千六百四十一石五斗五
升七合八勺四抄三撮三圭

另康熙二十四年召募新墾應于二十五年起科
粟二千七百一十二石六斗九升零二勺九抄
二撮

今實徵地種銀六十四兩七錢八分八厘一毫九

絲二忽

鳳山縣

偽時官佃田園租粟共計一萬七千六百一十五
石六斗零七合七勺八抄六撮

偽時文武官田園租粟共計一萬五千五百五十
二石九斗二升五合九勺一抄四撮二圭

今實徵官佃文武官田園租粟并八社土番丁口
折粟共計三萬八千三百零八石七斗二升二
合九勺三抄六撮

另康熙二十四年召募新墾應于二十五年起科
粟二千八百九十六石一斗九升九合七勺八

抄

諸羅縣

偽時官佃田園租粟共計五千零三石四斗三升九合八勺六抄三撮

偽時文武官田園租粟共計一萬六千九百五十五石六斗四升七合零一抄七撮六圭

今實徵粟共計二萬三千四百六十八石三斗五升七合一勺六抄八撮八圭

另康熙二十四年召募新墾應于二十五年起科粟六千三百一十九石四斗九升二合九勺一

抄二撮

稅鹽

臺灣府

偽時鹽埕共計二千七百四十三格

偽時鹽額徵時銀三千四百八十兩二錢五厘實在鹽埕共計一千二百九十格

今實徵紋銀二千四百三十六兩一錢四分三厘五毫

臺灣縣

偽時鹽埕共一千四百二十一格

每格大小不等計筭一千五百四十三丈一尺五寸

每年徵時銀一千零八十九兩二錢零五厘今
實在鹽埕共計八百四十六格
實徵紋銀七百五十六兩一錢四分三厘五毫

鳳山縣

偽時埕鹽一千三百二十二格

共徵時銀二千四百兩今

實在鹽埕共計四百四十四格

實徵紋銀一千六百八十兩

陸稅

臺灣府

男子壯丁一萬五千九百三十三丁

又新增人丁八百八十七丁每丁徵銀四錢七分六厘

共額徵銀八千零六兩三錢二分

街市店厝四千七百零五間內

瓦店厝二千八百二十五間每間徵銀三錢零三厘八毫

額徵餉銀八百五十八兩二錢三分五厘

草店厝一千八百八十間每間徵銀二錢一分七厘

額徵餉銀四百零七兩九錢六分

土番社三十八社各社徵銀不等共徵餉銀七

千八百八十八兩七錢五分九厘二毫

臺灣縣

男子壯丁八千一百三十五丁

新增人丁四百四十四丁每丁徵銀四錢七分六厘

共額銀四千八十三兩六錢零四厘

另澎湖人丁五百四十六丁每丁徵銀四錢七分六厘

共徵銀二百五十九兩八錢九分六厘

瓦店厝二千六百五十九兩八錢九分六厘

額徵銀八百一十八兩四錢三分七厘二毫

草店厝一千七百七十八間每間徵銀二錢一分七厘

額徵銀三百八十五兩八錢二分六厘

鳳山縣

男子壯丁三千二百七十四丁

新增二百二十二丁每丁徵銀四錢七分六厘

額徵銀一千六百六十四兩九分六厘

土番社四社社餉額徵銀一百七十九兩二錢

二分二厘四毫

瓦店厝一百三十一間每間徵銀三錢零三厘八毫

額徵銀三十九兩七錢九分七厘八毫

草店厝一百零二間每間徵銀二錢一分七厘

額徵銀二十二兩一錢三分四厘

諸羅縣

男子壯丁三千九百七十八丁

新增人丁二百二十一丁每丁徵銀四錢七分六厘

額徵銀一千九百九十八兩七錢二分四厘

土番社三十四社社餉額徵銀七千七百零九

兩五錢三分六厘八毫

担每担徵銀七分七厘

額徵餉銀七十六兩一錢五分三厘

採捕小船二百五十六隻計共載樑頭五千零

三十担每担徵銀七分七厘

額徵銀三百八十七兩九錢二分六厘

港六所內除拋荒無人承贖一所實五所共額

徵港餉銀二百一十八兩零三分零四毫

諸羅縣

船四十一隻計共載樑頭九百三十八担每担

徵銀七分七厘

額徵銀七十三兩二錢二分六厘

港九所共額徵港餉銀三百九十兩零一錢九分六厘八毫

水稅

臺灣府

採捕小船五百八十六隻計載樑頭一萬三千六百五十二担每担徵餉七分七厘

額徵銀一千零五十一兩二錢零四厘
尖艚杉板頭船九十七隻

額徵銀四十二兩八錢四分

安平鎮渡船三十四隻計載樑頭九百八十九担每担徵餉七分七厘

額徵銀七十六兩一錢五分三厘

港潭二十一所共額徵港餉銀一千二百五十

三兩八錢五分一厘二毫

臺灣縣

小船二百八十九隻計共載樑頭七千六百七

十六担每担徵銀七分七厘

額徵銀五百九十一兩零五分二厘

尖艚杉板頭船九十七隻

額徵銀四十二兩八錢四分

港潭共七所共額徵港餉銀六百四十五兩六

錢二分四厘

鳳山縣

安平鎮渡船三十四隻計載樑頭九百八十九

雜稅

臺灣府

採捕罟繒罟泊纒縲蠓八十四張條徵銀不等

共額徵銀五百八十八兩

大小網泊滬三十八張口每張口徵銀不等共

額徵銀六十一兩六錢

採捕烏魚旗九十四枝每枝徵銀一兩五分共額徵銀九

十八兩七錢

車磨二十五首每首徵銀五兩六錢共額徵銀一百四十

兩

蔗車五十七張每張徵銀五兩六錢共額徵銀三百零一

十九兩二錢

臺灣縣

罟繒繩罟三十張條每張條徵銀不等額徵銀
零六兩六錢四分

大小網泊滬三十八張口每張口徵銀不等額
徵銀六十一兩六錢

牛磨二十四首每首徵銀五兩六錢額徵銀一百三十四
兩四錢

蔗車二十八張每張徵銀五兩六錢額徵銀一百五十六
兩八錢

鳳山縣

罟繒罟繩蠟滾泊三十五張條每張條徵銀不

等額徵銀二百六十七兩一錢二分
採捕烏魚旗九十四枝每枝徵銀一兩五分額徵餉銀九

十八兩七錢

蔗車七張每張徵銀一兩五分額徵銀三十九兩二錢

諸羅縣

罟繒罟繩滾蠟十九張條每張條徵銀不等額
徵銀一百一十四兩二錢四分

牛磨一首應徵銀五兩六錢

蔗車二十二張每張徵銀五兩六錢額徵銀一百二十三

兩二錢

八錢

本府知府一員俸銀六十二兩四分四厘遇閏年加

銀五兩一錢七分三毫三絲三忽照例奉裁充餉薪銀七十二兩照例

裁扣充餉二十四厘

實給奏俸食四十二兩九錢五分六厘遇閏年加

銀三兩五錢七分九厘六毫六絲七忽照例奉裁充餉

門子皂隸馬快步快庫子燈夫轎傘扇夫禁

卒斗級等役共七十七名總計實給工食銀

四百七十七兩四錢

本府同知一員俸銀四十二兩五錢五分六厘

遇閏年加銀三兩五錢四分六厘薪銀四十

三毫三絲三忽照例奉裁充餉

八兩照例裁扣充餉一厘實給奏俸銀三十

七兩四錢四分四厘遇閏年加銀三兩一錢

例奉裁充餉

門子皂隸步快燈夫轎傘扇夫共三十一名

總計工食銀一百九十二兩二錢

本府經歷司經歷一員俸銀二十四兩二錢二

厘遇閏年加銀二兩一分六厘八毫薪銀二十

四兩裁扣充餉二厘八毫實給奏俸銀一十五兩

七錢九分八厘遇閏年加銀一兩三錢一分

門子馬夫皂隸等役共六名總計工食銀三

十七兩二錢

志 卷之七 七

臺鳳諸三縣知縣三員縣丞一員典史三員
巡檢四員共計俸銀薪銀三百九十五兩六
錢四分

臺鳳諸三縣并縣丞典史巡檢各衙門門子
皂隸馬快燈夫轎傘扇夫禁卒庫子倉斗級
民壯弓兵舖司等役共計實給工食銀三千
二十五兩四錢四分九厘八毫四絲四忽八
微

臺灣縣

本縣知縣一員俸銀二十七兩四錢九分遇閏
銀二兩二錢九分八毫三絲三忽照例奉裁充餉薪銀三十六兩照例

裁扣充餉銀一十實給湊俸銀一十七兩五

錢一分遇閏年加銀一兩四錢五分九厘

門子皂隸馬快燈夫轎傘扇夫禁卒庫子倉
斗級民壯等役共一百零三名總計實給工
食銀六百三十八兩六錢

縣丞一員俸銀二十四兩三錢一厘遇閏年
兩二分五厘薪銀二十四兩奉裁扣充餉銀

實給湊俸銀一十五兩六錢九分八厘遇閏

銀一兩三錢八厘三毫六絲七忽照例奉裁充餉

門子皂隸馬夫等役共六名總計實給工食
銀三十七兩二錢

典史一員俸銀一十九兩五錢二分遇閏年

兩六錢二分六厘六毫六絲六忽照例奉裁充餉薪銀一十二兩遇閏年

年加銀一兩照例奉裁充餉

門子皂隸馬夫等役共六名總計實給工食

銀三十七兩二錢

新港巡檢司巡檢一員俸銀一十九兩五錢

二分遇閏年加銀一兩六錢二分六厘薪銀

一十二兩遇閏年加銀一兩

澎湖巡檢司巡檢一員俸銀一十九兩五錢

二分遇閏年加銀一兩六錢一分六厘薪銀

一十二兩遇閏年加銀一兩

巡檢一員皂隸弓兵共四十名總計實給工食銀九十兩五錢二分
舖司兵十二名共計實給工食銀一百零八兩三錢三分三厘三毫二絲四忽八微

鳳山縣

本縣知縣一員俸銀二十七兩四錢九分遇閏年

銀二兩二錢九分八毫三絲三忽照例奉裁充餉薪銀三十六兩照例

裁扣充餉銀一十實給俸銀一十七兩五

錢一分遇閏年加銀一兩四錢五分九厘

門子皂隸馬快燈夫禁卒轎傘扇夫庫子斗

級民壯共一百零三名總計實給工食銀六

百三十八兩六錢

典史一員俸銀一十九兩五錢二分遇閏年加銀一兩六錢二分六厘七毫六絲六忽照例奉裁充餉薪銀一十二兩遇閏年加銀一兩照例奉裁充餉

門子皂隸馬夫等役共六名總計工食銀三十七兩二錢

下淡水巡檢司巡檢一員俸銀一十九兩五錢二分遇閏年加銀一兩六錢二分六厘六毫六絲六忽照例奉裁充餉薪銀一十二兩遇閏年加銀一兩照例奉裁充餉

皂隸弓兵等役共二十名總計實給工食銀四十五兩二錢六分

舖司兵二十八名總計實給工食銀一百九十七兩九錢二厘九毫

諸羅縣

本縣知縣一員俸銀二十七兩四錢九分遇閏年加

銀二兩三錢三分九厘九毫一忽四微照例奉裁充餉薪銀三十六兩照例裁扣充餉銀一十八兩四錢九分實給俸銀一十七兩

五錢一分遇閏年加銀一兩四錢五分九厘一毫六絲七忽照例奉裁充餉門子皂隸馬快燈夫轎傘扇夫禁卒庫子斗

級民壯等役共一百零三名總計實給工食銀六百三十八兩六錢

典史一員俸銀一十九兩五錢二分遇閏年加銀一

兩六錢二分六厘六毫六絲六忽照例裁扣充餉 薪銀一十二兩遇閏年加銀一兩照例裁扣充餉 薪銀一十二兩遇閏年加銀一兩照例裁扣充餉

門子皂隸馬夫等役六名總計實給工食銀三十七兩二錢

佳里興巡檢司巡檢一員俸銀一十九兩五

錢二分遇閏年加銀一兩六錢二分六厘六毫六絲六忽照例奉裁充餉 薪

銀一十二兩遇閏年加銀一兩照例裁扣充餉

皂隸弓兵等役共二十名總計實給工食銀

四十五兩二錢六分

舖司兵六十七名共計實給工食銀四百七

臺灣府

十三兩五錢五分三厘三毫二絲

本府進表合用紙劄綾袱銀一十六兩一錢一

分五厘九毫二絲八忽四微照例裁半充餉銀八兩五分七厘九毫六

厘九毫六絲四忽二微 實給銀八兩五分七厘九毫六

絲四忽二微

新官到任

府縣儒學四學

聖廟香燈銀各二兩五錢二分共計銀一十兩八分

習儀春秋二祭府縣四學

啟聖公文廟 山川 社稷 邑屬銀五百二十

八兩

修理

文廟

城隍

社稷

無祀等壇祠

六十二兩七

錢一分四厘

修理倉監銀六十兩

鄉飲一年二次銀五十四兩六分

照例裁扣充餉銀二十七

兩三實給銀二十七兩三分

習儀救護庭燎香燭銀一兩八錢

祈晴禱雨香燭銀五兩四錢

鞭春春牛芒神春花彩杖銀一十三兩

新官到任祭品銀五兩七錢六分

存恤孤貧夏冬衣布銀二百六十八兩二錢五

分三厘八毫

孤貧月糧銀四百六十八兩三錢二分二厘三

毫三絲五忽

囚犯月糧銀七十兩

臺灣縣

本府進表紙劄綾袱等項本縣實給坐解銀三

兩

新官到任祭品銀一兩九錢二分

府學

聖廟

香燈銀一兩五錢二分

縣學

聖廟香燈銀二兩五錢二分

習儀春秋二祭府縣二學

啟聖公文廟 山川 社稷 邑屬銀二百三十

二兩

習儀拜 賀救護庭燎香燭銀六錢

修理兩學

文廟

城隍 社稷 無祀等壇祠銀四十兩

修理倉監銀二十兩

鞭春春牛芒神春花彩杖春宴庭燭實給銀九兩

鄉飲一年二次實給銀一十五兩三分

祈晴禱雨庭燭銀三兩

存恤孤老夏冬衣布銀每名年給銀一兩五錢

八分七厘三毫本縣屬孤貧六十三名口額

編銀一百兩

孤貧月糧每名口月給銀二錢三分九毫二絲

八忽本縣屬孤貧六十三名口額編銀一百

七十四兩五錢八分一厘九毫七絲三忽

囚犯口糧銀三十兩

鳳山縣

本府進表紙劄綾袱等項本縣實給坐解銀二

兩五錢二分八厘九毫八絲二忽一微
新官到任祭品銀一兩九錢二分

縣學

聖廟香燈銀二兩五錢二分

習儀救護庭燎香燭銀六錢

春秋二祭

啟聖公文廟 山川 社稷 邑厲銀一百四十

八兩

修理縣學

文廟 城隍 社稷 無祀等壇祠銀一十一兩三

錢五分七厘

修理倉監銀二十兩

鞭春春牛芒神春花彩杖銀二兩

鄉飲一年二次銀六兩

祈晴禱雨香燭銀一兩

存恤孤老夏冬衣布每名年給銀一兩五錢八

分七厘三毫本縣屬孤老六十名口共銀九

十五兩二錢三分八厘

孤貧月糧每名月給銀二錢三分九毫二絲八

忽本縣屬孤貧六十名口共銀一百六十六

兩二錢六分八厘一毫六忽

囚犯月糧銀二十兩

諸羅縣

本府進表紙劄綾袂等項本縣實給坐解銀二兩五錢二分八厘九毫八絲二忽一微
新官到任祭品銀一兩九錢二分

縣學

聖廟香燭銀二兩五錢二分

習儀救護庭燎香燭銀六錢

春秋二祭

啟聖公文廟鄉賢 山川 社稷 邑厲銀共一

百四十八兩

修理縣學

文廟

城隍 社稷 無祀等壇祠銀一十二兩三

錢五分七厘

修理倉監銀二十兩

鞭春春牛芒神春花彩杖春宴銀二兩

鄉飲一年二次銀六兩

祈晴禱雨香燭銀一兩二錢

存恤孤老夏冬衣布銀每名年給銀一兩五錢

八分七厘三毫本縣屬孤老四十六名口實

給銀共七十三兩一分五厘八毫

孤貧月糧每名月給銀二錢三分九毫二絲八

忽本縣屬孤貧四十六名口實給銀共一百

二十七兩四錢七分二厘二毫五絲六忽
囚犯月糧銀二十兩

祀典

至聖先師之祭

凡歲以春秋仲月上丁日郡守行釋菜禮先于祭
之前一日潔修祭器到視牲所視牲次蚤五鼓庭
設燎燭正位以犢一羊一豕一登一鉶一籩豆各
十簠簋各二帛一爵一篚一
四配位每位羊一豕一登一鉶二籩豆各十簠簋
各一帛一爵三篚一

十哲位東五壇每位豕一帛一篚一爵三鉶一籩
豆各四簠簋各一酒盞一西五壇陳設同東
廡每壇豕一帛一篚一爵一籩豆各四簠簋各一

酒盞四 西廡陳設同主祭官同陪祭官行三獻禮其儀文照會典編載所配

先

賢先儒照各州郡學宮位置樂舞未備權以鼓吹侑食迎送臺鳳諸三縣官從祭府學畢迺詣各縣本學

先

師廟行釋菜禮儀文與府學同 啟聖公殿未建未行祀禮

風雲雷雨山川社稷城隍之祭

社稷以春秋仲月上戊日共壇祭 雲雨風雷山川城隍以春秋仲月上旬擇日共壇祭設三位雷雨風雲居中山川居左城隍居右獻官及陪祭官

各致齋三日宿齋所臺灣縣附府祭鳳諸二縣各於其境內壇所祭之府社稷山川壇在府治外永康里界鳳諸二縣之壇草創致祭無定所也 旗纛之祭

偽時不置旗纛廟只於霜降日令各鎮率營官軍兵皆頂盔披鎧倍極壯觀俱到一崑身張幕祭獻今祭期亦以霜降之日而祭所各就本營行禮

郡邑厲祭

郡邑有司每歲春清明日秋七月十五日冬十月一日先期一日主祭官牒呈城隍至祭日設城隍位於壇上用羊一豕一設無祀鬼神牌於壇下用

羊二豕二以米三石爲飯羹香燭酒紙隨用其祭
文載會典甚悽惻府屬壇在東安坊臺灣縣附府
祭鳳諸二縣之壇草創致祭無定所也

卷之七終

臺灣府誌卷之八

官制

分巡臺廈道一員

臺灣府知府一員 海防糧捕同知一員

經歷司經歷一員

臺灣縣知縣一員 縣丞一員 典史一員

新港巡檢司巡檢一員 澎湖巡檢司巡檢一

員

鳳山縣知縣一員 典史一員

下淡水巡檢司巡檢一員

諸羅縣知縣一員 典史一員

佳里典巡檢司巡檢一員

臺灣府儒學教授一員額定取進文武生各二十名

臺灣縣儒學教諭一員

鳳山縣儒學教諭一員

諸羅縣儒學教諭一員以上三縣學額定取進文武生各十二名

分巡臺廈道

周昌瀋陽人進士康熙二十二年任

臺灣府

知府

蔣毓英錦縣人官生

同知

梁爾壽陝西鎮安縣人貢生

經歷司

經歷

林起元上元縣人吏員 方逢月桐城縣人貢生

臺灣縣

知縣

沈朝聘遼東人官生 蔣相遼東人監生

縣丞

趙行可陝西永昌衛人貢生

典史

張元初涇陽縣人

新港巡檢司

巡檢

紀文達涇陽縣人

澎湖巡檢司

巡檢

姚法唐祥符縣人

鳳山縣

知縣

楊芳聲宣府萬全衛人

典史

王輅易州茂山衛人

下淡水巡檢司

巡檢

袁玫騰驤衛人

謝寧會稽縣人

諸羅縣

知縣

季麒光無錫縣人

樊維屏蒲縣人

典史

楊輔業富平縣人

佳里興巡檢司

巡檢

孫寅

禹城縣人
吏員

臺灣府儒學

教授

林謙光

長樂縣人
副榜貢生

臺灣縣儒學

教諭

傅廷璋

南安縣人
舉人

鳳山縣儒學

教諭

黃賜英

晉江縣人
舉人

諸羅縣儒學

教諭

陳志友

長樂縣人
歲貢生

武衛

陸師官制

臺灣鎮總兵官一員轄中左右三營遊擊各一員
每營中軍守備各一員千總二員把總四員
南路營叅將一員中軍守備一員千總二員把總
四員

北路營叅將一員中軍守備一員千總二員把總
四員

附道標守備一員卽鎮標右營撥出千總一員把
總二員

水師官制

臺灣水師協鎮副總兵官一員轄中左右三營遊

擊各一員中軍守備三員千總六員把總一十

二員每營配大小戰船一十六隻三營共船四十八隻

澎湖水師協鎮副總兵官一員轄左右營遊擊各

一員中軍守備二員千總四員把總八員每營配大

小戰船一十六隻共船三十二隻

鎮守總兵官

楊文魁

臺灣水師協鎮副總兵

李日烺

澎湖水師協鎮副總兵

詹六奇

南路營叅將

楊懋紱

北路營叅將

袁廷芝

鎮標中營遊擊

王嘉祿

左營遊擊

韓又琦

右營遊擊

宰調元

臺灣水師協標中營遊擊

許毅

左營遊擊

吳輝

左營遊擊

徐德濟

澎湖水師協標左營遊擊

陳蘭

右營遊擊

胡愷

鎮標中營守備

符文煌

左營守備

孟大志

右營守備

高天鳳

道標守備

薛元會

臺灣水師協標中營守備

蔡斌

左營守備

董纘緒

右營守備

方冰

澎湖水師協標左營守備

趙廣

右營守備

原爾懷

南路營守備

陳斌

北路營守備

魏進陞

陸師汛地

一汛舊社把總一員兵一百名

一汛大目降把總一員兵一百五十名

一汛中港崗把總一員兵八十名

一汛桶盤棧把總一員兵七十名

一汛府街大井頭把總一員兵三十名

已上鎮標防汛

一汛觀音山千總一員兵一百名

一汛鳳彈把總一員兵五十名

一汛下淡水千總一員兵一百名

一汛康蓬嶺把總一員兵五十名

已上南路營防汛

一汛半線千總一員兵二百五十名

一汛下加冬把總一員兵一百名

一汛目加溜灣把總一員兵五十名

一汛鐵線橋管隊一名兵二十名

一汛蔴荳港管隊一名兵二十名

一汛大線頭百總一名兵二十名

一汛茅港尾管隊一名兵二十名

一鎮標貼防新港加溜灣把總一員兵一百名

已上北路防汛

水師汛地

一汛大港把總一員兵六十名

一汛大線頭千總一員兵一百五十名

一汛崑身繞港百總一名兵六十名

一汛猴樹港笨港把總一員兵一百名

一汛鹿仔港把總一員兵一百名

一汛打狗仔岐後把總一員兵一百名

一汛鹿耳門把總一員兵四十名

已上臺灣水師防汛

一汛嵵內千總一員兵五十名

一汛八罩千總一員兵一百名

一汛良文港把總一員兵四十名

一汛西嶼頭千總一員兵一百六十名

一汛大北山千總一員兵二百名

已上澎湖水師防汛

陸兵

臺灣鎮兵三千 北路營兵一千 南路營兵一

千

水兵

臺灣協鎮水兵三千 澎湖協鎮水兵二千

道標兵

分巡臺廈道標兵五百名

弓兵

臺灣縣新港澎湖巡檢司二

鳳山縣下淡水巡檢司一

諸羅縣佳里興巡檢司一 每司轄弓兵一十八

名四司通計弓兵七十二名

舖兵

臺灣縣共舖兵一十二名

鳳山縣共舖兵二十八名

諸羅縣共舖兵六十七名三縣通共計舖兵一百

零七名

卷之八終

臺灣府誌卷之九

人物

開拓勲臣

福建水師提督內大臣太子少保左都督伯施諱
琅今晉靖海將軍靖海侯世襲罔替

興化鎮總兵官左都督吳諱英今陞四川提督世
襲拜他喇布勒哈番

海壇鎮總兵官左都督林諱賢今世襲拜他喇布
勒哈番

金門鎮總兵官左都督陳諱龍今世襲拜他喇布
勒哈番

銅山鎮總兵官左都督陳諱昌今調補狼山鎮總兵官世襲拜他喇布勒哈番

廈門鎮總兵官左都督楊諱嘉瑞今調補南澳鎮總兵官世襲拜他喇布勒哈番

平陽鎮總兵官左都督朱諱天貴

澎湖陣亡特子蔭卹

正黃旗二等侍衛吳諱啟爵今授廣東瓊州鎮總兵官左都督世襲拜他喇布勒哈番

閩安鎮左都督管副將事蔣諱懋勛今陞浙江溫州鎮總兵官世襲一等阿達哈哈番

海澄城守左都督管副將事林葵今功加世襲三等阿達哈哈番

江東橋左都督管副將事詹六奇今調補澎湖水師副將今功加世襲二等阿達哈哈番

通政使司六品筆帖式常在今陞宗人府主事功加二十一級

興化城守營左都督管遊擊事林翰今功加世襲拜他喇布勒哈番又一拖沙喇哈番

浯輿營都督僉事管遊擊事王朝俊今功加左都督世襲拖沙喇哈番

晉江營副將管遊擊事許毅今調補臺灣協鎮水師中營遊擊功加左都督世襲拖沙喇哈番

提標署中營叅將事羅士珍今功加左都督世襲

拜他喇布勒哈番

提標署左營遊擊事張勝

提標署右營遊擊事藍理今功加左都督

提標署前營遊擊事何應元今陞張家口叅將功

加都督督世襲拜他喇布勒哈番

提標署後營遊擊事曾成今功加左都督

提標管理糧務隨征叅將陳遠致今功加左都督

世襲拖沙喇哈番

勝國遺裔

寧靖王 術桂號天球明洪武第九代孫長陽王之次支也乙酉年新封爲寧靖王初栖金門癸卯年挈眷來臺灣癸酉我

大

清兵至澎湖六月二十七日王具冠服投繯而死同殉者妾袁氏蔡氏媵秀姑荷姐梅姐王無嗣繼益王府宗位之子名儼鈔年方七歲癸亥北上安置河南開封府杞縣王葬於鳳山縣長治里竹滬地方

朱弘桓字繼恒父魯王 以海自紹興出舟山辛卯舟山失守遷於金門又遷南灣庚子復來金門

壬寅病故癸卯弘桓始生同其母至臺灣淮王由桂字觀海自潮州來棲金門壬辰年死瀘溪郡府次孫慈熿瀘溪郡府將軍慈某奉新郡府將軍慈熿奉南郡府宗室和睦皆自辛丑癸卯等年渡海益王世孫怡某舒成郡府宗室慈熿樂安郡府宗室義浚巴東郡府宗室尊凍歸命之後奉旨安置于山東河南等郡縣使勝國後裔得邀不殺之恩實

聖朝之寬大亘古所未有也

勲封遇難

續順公沈瑞襁褓襲封珽其仲也甲寅年春耿逆

倡亂鄭經輔之明年經寇廣以公及弟與其眷屬來臺設館安置遇之甚厚妻以鄭氏辛酉秋總制姚公用傅爲霖爲反間事覺被戮時經已死子克塽立幼未能國有用事者以公與爲霖同謀囚其眷屬弟珽告公曰我家受

國厚恩奈何受制于逆孽何不早爲計公曰吾志決

矣命珽結纆成公不能及珽扶之升旣升弟珽拜于地候公氣絕下之而珽亦自投纆死兄弟忠節史不多書一時臺之士民相語以目羣壯其節而悲其死也

縉紳流寓

王忠孝
沈佺期

李朝薦
李茂春

盧若騰
沈元文

王忠孝列傳

王忠孝字愧兩泉州府惠安縣人明進士初授戶部主事以抽分密雲疏劾宦監忤旨廷杖下獄凡九年及奉謫家居遂杜門不出弘光元年起授饒州知府未幾轉罔卿又未幾轉院副明年隆武建號于閩又轉總督賜上方劍便宜行事閩之士女皆識其名至甲辰年同盧若騰來臺不仕僞鄭維日與流寓諸人肆意詩酒作方外人丁未冬十一月卒將卒之日沐浴衣冠畢告辭親朋端坐而逝顏色如生平生喜著作有四居錄及表章上諸王札竝詞賦嗣當蒐羅編緝以傳後世

辜朝薦列傳

辜朝薦字在公潮州揭陽縣人明進士始任江南安慶府桐城縣知縣歷掌科垣晉秩京鄉與郭之奇羅萬傑黃奇遇時號爲四駿初棲廈門癸卯隨鄭■往南甲辰春至臺灣尋卒

盧若騰列傳

盧若騰字閑之號牧州同安縣人明進士召對稱旨授兵部主事甫筮仕抗疏劾督輔楊嗣昌陞本部郎中兼總京衛武學又劾定西侯蔣惟祿疏上者三嘉其敢言將不次擢用有惡其太直者沮之乃除寧紹兵備道赴任在水程中叅內使田國興

趨其奏國興侯辜旣蒞任興利去弊績不勝書二府軍民有盧菩薩之謠至今尸祝焉鼎革後遯跡臺灣效黃冠故事杜門著書癸卯

大師平島率家屬渡澎越明年卒時年六十有五也平生所著詩文甚富其子孫或有藏之者

沈佺期列傳

沈佺期字雲祐號鶴齋泉州府南安縣人登進士第官諫議明亡絕意進取後至廈門杜門謝客後又抵臺以醫術濟臺人凡富家貴族相延輒往卽貧窶者亦不自貴重壬戌秋卒於臺時年七十有五平生著作其子孫輯而藏之

李茂春列傳

李茂春字正青漳州府龍溪人登明隆武丙戌科鄉榜遯跡至臺僞藩延以教其子經其爲人好吟咏喜著述日自放于山水間跣足听憤旁若無人知經非令噐素不加禮構一禪宇扁曰夢蝶處與住僧禮誦經文爲娛自號李菩薩尋卒于臺因葬焉

沈光文列傳

沈光文字文開別號期菴浙江鄞縣人故相文恭公世孫以副車恩貢歷仕紹興福州肇慶之間由工部郎中加太僕少卿辛卯年從肇慶至潮州由

海道抵金門壬寅八閩總制李公諱率泰聞其名遣員致書幣邀之期菴不就七月挈其眷買舟欲入泉州過圍頭洋遇颶風飄泊至臺不能返棹遂寓居焉及鄭大木掠有其地斯菴以客禮相見鄭經嗣爵多所變更斯菴知經無能爲且以一賦寓譏諷爲忌者所中幾死于■乃改服爲僧入山不出於目加溜灣番社傍教授生徒兼以醫藥濟人所著文有臺灣賦東海賦槎賦桐花賦芳草賦及花草菓木襍記

節烈女貞

鄭氏陳氏鄭阮氏黃氏

節烈鄭氏列傳

附沈氏

鄭氏偽禮部鄭斌女也續順公沈瑞者因甲寅耿亂鄭經輔之分師寇廣遷公來臺時尚幼未婚經以斌女妻之遂爲公夫人辛酉秋傳爲霖謀洩被戮用事株及公囚其眷屬夫人發歸鄭氏以父故也時夫人與公皆幼夫婦之情未泯哭謂其父曰兒適沈家生死與共豈有公罹重禍兒獨受快活之理願父遣兒同監父從其請送詣逮所用事者羈之別室使不相見也及公將縊問夫人何在人語之故公解一帶使特以別夫人曰萬事休矣遂自結纆其弟在側夫人顧謂之曰姊以身事人今日不得不死父老矣惟吾弟是賴歸語吾父爲謝

不孝遂登縊有頃氣絕顏色不變是日也公有太夫人三聞公已死皆縊公同母妹年十六聞之撫胸大慟曰吾兄弟一家俱死留此塊肉無益也亦自縊死貞烈萃於一門芳名垂之千古矣

節烈陳氏列傳

鄭克壑妻陳氏僞總制陳永華女也知書守禮不以貴家女自居姊妹三人其姊適克壑叔鄭睿僞藩經弟也睿喪無嗣姊歸家時氏尚未字人以夫死無嗣當死微規其姊姊笑曰待汝自爲之未晚也及適克壑卽僞藩養子本姓李氏始僞藩寵妾林氏取他人子秘畜之克壑少敏慧經特鍾愛之

求婚馮錫范錫范拒之僞藩不悅曰爾以是兒非吾子也後以永華女配之及僞經西寇委國政于永華永華盡心拊循而經諸弟多豪強不法永華莫能制乃請命馳立克壑爲監國實欲藉以節制諸藩弟而克壑亦頗自嚴毅諸弟皆憚而怨之至僞藩敗遁東還卽以國事付克壑無何病亟時陳永華已故乃以克壑屬劉國軒經死諸藩弟卽喪次揚言彼非鄭氏子孰甘爲之下者環訴于僞藩母董氏曰克壑非吾骨肉一旦得志我輩無噍類矣董氏卽命人收監國印仍召馮錫范以兵脇之時兵權盡屬劉馮而僞經次子又錫范婿錫范亦

欲去克壑聞董氏命卽馳會劉國軒國軒尚猶豫不決頃之竟從錫范意而克壑孤立矣兵將入克壑顧陳氏曰耳目殊異恐不能相保也陳氏曰夫在與在夫亡與亡必不相負克壑旣幽繫于別室而僞藩弟鄭溫尤怨克壑卽于是夜格殺之董氏遂立克壑嗣僞位以永華爲國之望猶禮待陳氏躬視撫慰而詢其所欲陳氏曰昔爲箕箒婦今爲罪人妻官民禮隔願出居別室待亡夫百日飯卽往地下相從耳董氏不能違乃別置一室停克壑柩于中以處陳氏仍命僞官備供應陳氏旣出旦暮莫泣絕粒不食日飲清茶數口而已其姊弟就

省之曰妹歸家亦足守制毋徒自苦也氏笑曰姊忘之耶昔日之言猶在耳今政自爲之日無所苦也人生百歲富貴何常但恨不得其死今旣得豈可錯過百日已週懸帛柩側自沐浴整衣冠區處隨從婢女咸貲而遣發將就縗董氏命通國文武同往拜奠時絕粒已經月餘神色步履無異平時受僞官拜仍拜董氏就席舉饌畢卽縊而死從容就義陳氏有焉董氏命合克壑柩而以禮葬之

節烈鄭宜娘列傳

鄭宜娘漳郡人年十八歸謝燦燦貧遠賈三載歸以病卒誓死從夫隣慰以姑老矣無兄弟而家貧

不可鄭氏答云事已至此不能顧矣既卒哭遂自縊偽藩令建坊以旌之表曰貞節

節烈阮氏列傳

阮氏字蔭娘漳之南門外人也父以操舶爲生年十六適王尋尋銀同浯江人也貧食于兵其兄有遺腹子幼母別適阮取而撫之教養周至隣莫知其爲姪後尋以病卒會其仲兄來襄喪事殯之夜語之曰伯可少安予亦就息矣閣戶而入須臾內響啟視之方知氏自縊而幾絕也救之甦明日語其嫂曰人莫不有死死於縊殊苦吾今不敢復爾願伯以姪兒繼其兄以爲實然許之以告諸族自

是守制哭不甚哀人謂婦人性欣戚不自持也比卒哭飲食笑語自若同居者防少疎是夜復就縊伯覺而奔慰之阮曰夫死誓不獨生旣死之後伯爲藁葬夫側此願足矣伯憐之密令同居者以女伴之不得死阮以飴作酒給使飲醉而就寢遂自梳洗著衣裳服簪珥取所餘家貲首飾露置死所投繯而死時年二十有九聞其事於偽藩將旌之適

大

師平臺事遂寢如蔭娘視死如生百折不同可與日月爭光固無藉于偽旌也

節烈黃氏列傳

黃氣娘者黃堂壯女年十九適僞賓客司傅爲霖
次子爲霖反間事洩僞藩磔之及誅其子氣娘以
閨房不治准領寧家初逮之日氣娘猶冀翁婿之
不死也及聞爲霖父子受戮哭辭其兄曰鬼籙中
有妹人世間無妹矣兄慰之答曰妹以身事人不
可以貳貳則人其謂我何遂自縊而死

卷之九終

臺灣府誌卷之十

古蹟

大井明宣德間太監王三保到此曾在此井取水
卽今西定坊大井也

藥水在鳳山縣淡水社相傳明三保太監曾投藥
水中今土番百病水洗立愈

三保薑相傳崗山巔明三保太監曾植薑其上至
今常有薑成叢樵夫偶然得之結草爲記次日
尋之弗獲故道若得其薑百病食之皆瘳

玉山在鳳山縣山甚高皆雲霧罩于其上時或天
氣光霽遙望皆白石因名爲玉山

金山在諸羅縣萬山之中山之前後皆化外野番人跡罕至山之高大幾何亦無人見而所傳之者

湯泉在鳳山縣下淡水社有赤山一座山頂竝無溝渠不時出湯亦無定處日潑黃灑夜見紅光仙人山在鳳山縣沙馬磯頭其巔往往帶雲如仙人狀傳聞絳衣黑衣常遊其中今有生成石棋盤及石磴在焉

石湖在諸羅縣茄荖網社從大武郡入行程十餘日有一石湖大里許通海天將雨湖中水漲丈餘

木排田在諸羅縣水沙連社四面皆水中一小洲其土畚以大木連排盛土浮之水上耕種其中若欲他適竝田扯去

鳳芋在鳳山縣大呂覓番原居大呂覓山上相傳有芋一叢高丈餘月將出時有二物如鳳凰從芋下奮翮振羽騰飛戾天其番驚怪始移居社內

水漣潭在諸羅縣半線社外高山內其潭周圍二丈形圓若井天將風雨則潭內發聲如潮水亦漲滿畚民每以占陰晴

火山在諸羅縣貓羅貓霧大山之東野畚界內山

上日則有烟夜則有光但人跡鮮到亦止傳聞如此

湯泉在諸羅縣雞籠山後野番三朝社內

災祥 附兵亂

傳聞古鳳山有石忽開一隙內有讖云鳳山一片石堪容百萬人五百年後閩人居之俄而復合辛丑年五月間鹿耳門水漲丈餘原鹿耳門水淺僅小艇可循江出入是歲鄭成功攻取臺灣水漲大小戰艦遂盡進港

庚申年六月間有一星如劍長數十丈見西南隅至經月方隱

癸亥年五月關澎湖有一怪物狀如鱷魚長四五尺步沙而上鳴聲嗚嗚居民以楮錢送之下海是夜登岸死焉

夏六月二十六日是夕有一大星隕於海其聲如雷

冬十一月雨雪是夜冰堅厚寸餘從來臺灣無雪無冰此異事也

丙寅年四月二十日辰時地大震地震臺灣時時有之此日大震

兵亂

明天啟甲子年紅毛入港偪逐日本倭遂築臺灣赤嵌二城時居民無幾各安其生無所騷擾崇禎元年海寇劉卿攻臺灣不克而遁居民無擾戊戌年紅毛肆虐居民不堪漢人詭懷一率漢民

反叛事覺凡漢人屠殺殆盡

辛丑年夏五月鄭成功攻取臺灣克之紅毛奪港遁去居民秋毫無犯

癸亥年六月間靖海將軍侯施帥師攻澎湖克之秋八月入臺灣耕市不變民扶老携幼以迎焉

扼塞

古者王公設險以守其國所以固疆圉安井牧也
大司徒掌邦之土地分九州之域廣輪平險之數
辨其山林川澤丘陵墳衍之名制其畿疆故有山
則守山有水則守水因地度宜擇要以扼之制勝
以防之兵可百年而不用不可一日而不備誠慎
之也夫地之有險猶室之有門或啟或閉固于其
內以威乎其外懷然有所不可越者然後寢闈之
間可以無恐若不慎其窺伺之隙雖千仞之山百
尋之水人得而易之何則其見于外未得其要也
臺灣雖屬荒島然環海依山延袤二千餘里自有

天地以來沉晦于雕題鳩舌之鄉歷數萬年始入
版服思造物當日之生此地者不爲無意而今日
之開闢此地以九州之治治之者亦非無故則綢
繆鞏固以爲不拔之基不可不觀于形勢而樹之
防矣澎湖一島乃臺郡之門戶門戶固守則堂奧
清寧是所謂扼塞之大者若澎湖若也當大洋之
衢而扼其吭者鹿耳門是已鹿耳門之上有大線
頭線南有澗曰海翁堀可泊船隻港口甚隘大線
頭設防則寸板不得到鹿耳守鹿耳當先守大線
也拊一郡之背而挈其領者安平鎮是已然就海
防海亦就郡防郡猶其近者也若入海之道南路

之打狗港淡水港沙馬磯頭北路之半線港竹塹
港上淡水江皆可以縱帆四出陰謀不測之徒不
稽其往來可乎哉雞籠突處外洋爲諸彘經行之
道紅毛城又孤聳天半去府治二十餘里今不置
一卒不設一官倘奸人窺我虛實乘間而襲城以
自固我之應援由海而上者有風濤之阻由陸而
出者有山谿之險勞師襲遠急難攻尅且運芻轉
餉千里待食師不宿飽利害所關誠非淺鮮故雞
籠雖遠實扼全勢不可以不守打狗等港亦屬要
津不容不防也因山而計之南路之傀儡山內有
野番七十餘種南覓社下通直脚宜與北路接壤

其內深林障蔽數百里不見日色非我騎擊之長
所可馳騁北路之斗六門自二重埔而進至於林
驥環溪層拱有田可耕爲野番南北之咽喉路通
哆囉滿買猪抹里沙晃等種匪人每由此出入半
線以東上接沙連三十八社控弦持戟者二千餘
人三十四年秋土官單六奉令至郡今去而不可
復問者恃其險遠謂非我所能至也南嵌竹塹之
間山深水濶外番錯雜亦草竊之淵數淡水江南
北皆山據西來之門戶雞籠山後直接三朝以上
三十六社水陸之交皆要害處也鄭氏曾設重兵
以鎮之今則寄命于通事而通事多無賴奸民托

身遠社不免賸番以自肥番苦則怨怨則爭殺易
起道里艱險非一役一卒所能制先事之圖所宜
急籌也竊計臺灣之形勢欲內安必先守山欲外
寧必重守水守山之法勞而易守水之法逸而難
蓋陸地之防惟在嚴斥埃慎盤詰實心衛民勿以
擾民不過得其人以任之而已水地之防必資于
船多設船則有蓬桅纜旋修葺之工費歲需不貲
是在主計者之持策也

